



JORNAL

do

Parlamento Nacional

VI. LEGISLATURA

1.ª SESSÃO LEGISLATIVA (2023-2028)

REUNIÃO PLENÁRIA DE 14 DE AGOSTO DE 2023

Presidente: Ex.^{ma} Sr.^a Maria Fernanda Lay

Vice-Presidentes: Ex.^{mo} Sr. Alexandrino Afonso Nunes

Secretária: Ex.^{ma} Sr.^a Virgínia Ana Belo

Vice-Secretárias: Ex.^{ma} Sr.^a Maria Terezinha da Silva Gusmão

SUMÁRIO

Sr.^a Presidente declara aberta sessão plenária iha tuku 9 liu minuto 14, no halo leitura ba agenda serbisu loron ne'e nian.

Antes da Ordem do Dia - Sr.^a Secretária da Mesa halo leitura ba pedido justificação de falta no substituição temporária.

Iha intervenções diversas, Sr. Deputado sira aborda assunto sira kona-ba: política descentralização administrativa no mudança balu iha estatuto RAEOA

nian; Sr. Thomas Pereira Guterres «Matakoi» nia mate; estação combustível ne'ebé espalha iha cidade Díli; restos mortais herói no mártir sira-nian ne'ebé seidauk hetan to'o agora; disputa rai iha Baucau; qualidade husi projeto comunitário sira iha Ministério Educação; reconstrução ex-comarca Balide nian; andamento husi projeto eletrificação iha Posto Administrativo Lacló; vacatura iha estrutura Conselho de Imprensa nian; falta divulgação notícia kona-ba fiscalização parlamentar iha município; controvérsia

kona-ba aumento iha pensão ba ferik-katuas sira; necessidade atu halo morro proteção no estrada iha parte balu iha linha fronteira nian; gestão lixo iha Díli no reciclagem; preocupação comunidade Viqueque nian kona-ba andamento husi projeto construção UKL; problema hadau malu natar iha Uailili; inundação iha Suco Klakuk; compensação ba comunidade ne'ebé afetado husi construção IPB; movimento trânsito iha cruzamento Audian ho Bemori ninian; reciclagem ba lixo la'ós-orgániku sira ne'ebé companhia *Caltech* halo; confronto iha território laran, ne'ebé envolve jovem sira; problema electricidade iha Ataúro; confronto iha Raikotu entre jovem sira husi GAM ho GAR; divergência ligado ho carácter urgência no fundamento jurídico husi apresentação OGE Retificativo 2023 nian; ausência Presidente República no Presidente Parlamento Nacional nian husi país iha tempo hanesan; implementação legislação ne'ebé iha relação ho rai no propriedade sira no instituição ne'ebé iha competência.

Tuirmai, Sr. Vice-Ministro dos Assuntos Parlamentares (Adérito Hugo de Jesus) responde ba preocupação no problema hirak ne'ebé Deputado sira levanta iha sessão plenária.

Ordem do Dia -

1). Anúncio de admissão e baixa à Comissão de Finanças Públicas e restantes comissões especializadas permanentes, da Proposta de Lei n.º 1/VI (1.ª) – Primeira alteração à Lei 15/2022, de 21 de dezembro, Orçamento Geral do Estado para 2023, e à Lei n.º 2/2022, de 10 de fevereiro, Enquadramento do Orçamento Geral do Estado e da Gestão Financeira Pública, e segunda alteração à Lei n.º 8/2008, de 30 de junho, Lei Tributária.

2). Eleição de cinco membros para o Conselho de Estado.

Sr. Deputado no Sr.ª Deputada sira-ne'ebé halo intervenção mak: Sr. António Verdial de Sousa (KHUNTO), David Dias Ximenes «Mandati» (FRETILIN), Sr.ª Olinda Guterres (KHUNTO), Sr. Gabriel Soares no Sr.ª Cedélizia Faria dos Santos (CNRT), Sr.ª Lídia Norberta dos Santos Martins (FRETILIN), Sr. José Virgílio R. Ferreira no Sr. Anacleto Freitas (CNRT), Sr. Manuel Henrique Noronha (PD), Sr. Ricardo Baptista (CNRT), Sr. Joaquim dos Santos «Boraluli» no Sr.ª Maria Angélica da C. dos Reis (FRETILIN).

Sr.ª Presidente encerra sessão plenária ne'e iha tuku 13 loloos.

Sr.^a **Presidente**: — Srs. Deputados, muito bom dia, halo favor hola fatin para ita hahú ita-nia sessão plenária.

Horas hatudu tuku 9 liu minuto 14.

É com muito gosto, Srs. Deputados, ita hetan malu fali iha condição di'ak e ohin ita-nia «Agenda de abertura de 14 de agosto 2023,...» – bom dia Sr. Vice-Ministro – «...iha Período de Antes da Ordem do Dia:

1. Anúncio de deferimento do pedido de justificação antecipada de faltas e substituição temporária do Senhor Deputado António da Conceição pela Senhora Deputada Rosena Fátima de Oliveira Martins.

2. Intervenções diversas dos Senhores Deputados.

3. Intervenção do Senhor Vice-Ministro dos Assuntos Parlamentares sobre as questões suscitadas pelos Senhores Deputados.

Iha Período da Ordem do Dia:

1. Anúncio de admissão e baixa à Comissão de Finanças Públicas e restantes comissões especializadas permanentes, da Proposta da Lei n.º 1/VI (1.^a) – Primeira alteração à Lei 15/2022, de 21 de dezembro, Orçamento Geral do Estado para 2023, e à Lei n.º 2/2022, de 10 de fevereiro, Enquadramento do Orçamento Geral do Estado e da Gestão Financeira Pública, e segunda alteração à Lei n.º 8/2008, de 30 de junho, Lei Tributária.

2. A eleição de cinco membros para o Conselho de Estado».

Hodi nune'e ha'u fó kedas ba Sr.^a Secretária atu halo leitura, halo favor Sr.^a Secretária, ba anúncio do deferimento do pedido de justificação antecipada de faltas e substituição temporária do Senhor Deputado António da Conceição. Halo favor.

Sr.^a **Secretária da Mesa** (Virgínia Ana Belo): — Obrigada, Sr.^a Presidente.

Bom dia ba Ita-Boot no ba colega Deputado sira hotu.

«Ex.^{ma} Sr.^a Presidente do Parlamento Nacional

Assunto: Pedido de substituição temporária ba Deputado Partido Democrático.

Excelência,

Baseia ba assunto iha leten, Bancada Partido Democrático informa katak Deputado António da Conceição «Kalohan» sei acompanha nia Senhora ne'ebé hala'o hela tratamento saúde iha Portugal, Lisboa, nune'e seidauk bele participa iha Plenária Parlamento Nacional iha dia 14 de agosto 2023.

Nune'e mak ami submete pedido substituição temporária ba Sr.^a Rosena Fátima de Oliveira Martins, portadora n.º cartão eleitoral 0534717.

Mak ne'e de'it pedido substituição, ba Excelência Sr.^a Presidente Parlamento Nacional nia atenção no colaboração di'ak, ami hato'o obrigado wa'in.

António da Conceição,
Presidente Bancada Democrático».

«Ex.^{ma} Sr.^a Presidente do Parlamento Nacional, Maria Fernanda Lay.

Assunto: Substituição temporária.

Excelência,

Baseia ba assunto iha leten, Bancada Partido Democrático informa katak Deputado António da Conceição «Kaloan», Deputado eleito iha VI Legislatura husi Partido Democrático, número 2, sei substitui husi Deputada Rosena Fátima de Oliveira Martins iha lista candidatura n.º 9, baseia ba Lei n.º 9/2017, de 5 de maio sobre Eleição Parlamentar, quarta alteração, ho Lei n.º 6/2006 de 28 de dezembro iha n.º 3 do artigo 15.º ho motivo substituição temporária baseia ba lista candidatura tuir acórdão Tribunal Recurso, Nuc. n.º 0023/23 TRDIL.

To'o ba ne'e de'it ami-nia assunto, husu ba Sr.^a Presidente Parlamento Nacional atubele defere ami-nia pedido ne'e, no obrigado wa'in.

António da Conceição, Deputado eleito».

«Requerimento de justificação antecipada de falta e pedido de substituição temporária.

António da Conceição, Deputado ao Parlamento Nacional, pertencente à Bancada do Partido Democrático, pretendendo ausentar-se por mais de três dias consecutivos por motivo de razão familiares, vem requerer a V. Ex.^a a justificação antecipada das faltas e a sua substituição temporária pelo candidato não eleito que se lhe seguir na respetiva lista, o que faz nos termos e para os efeitos previstos nos artigos 4.º alínea a) 5.º e 9.º, n.º 1 da Lei n.º 5/2004, de 5 de maio, 15.º da Lei n.º 6/2006, de 28 de dezembro, e n.º 5 Regimento do Parlamento Nacional.

Data, 8 de agosto de 2023,

O responsável do Partido Político,

António da Conceição».

«Ex.^{ma} Sr.^a Presidente do Parlamento Nacional.

Assunto: Aceitação ba substituição temporária.

Excelência,

Relaciona ho assunto iha leten, ha'u, Rosena Fátima de Oliveira Martins, ho número candidatura 9 tuir lista Tribunal Recurso, leitura acórdão Nuc n.º 0023/23, TR-DIL no baseia ba Lei n.º 9/2017, de 5 de maio, sobre eleição parlamentar, quarta alteração à Lei n.º 6/2006, de 28 de

dezembro iha n.º 3 do artigo 15.º, ho nune'e ha'u aceita atu substitui Deputado eleito VI Legislatura, Sr. António da Conceição.

To'o ba ne'e de'it ami-nia assunto, husu ba Sr.ª Presidente Parlamento Nacional atubele defere ami-nia pedido ne'e, no obrigado wa'in.

Rosena Fátima de Oliveira Martins».

Obrigada, Sr.ª Presidente.

Sr.ª **Presidente**: — Muito obrigada, Sr.ª Secretária.

Hodi nune'e ha'u convida Sr.ª Deputada Rosena Fátima de Oliveira Martins atu hola fatin.

Basa liman husi Sr.ª Presidente no Sr. Deputado sira.

Tuirmai, intervenções diversas dos Srs. Deputados. Srs. Deputados, ho respeito tomak ha'u sei limita ita-nia intervenção tanba ita-nia orçamento tama, ne'ebe iha ona inscrito iha-ne'e, ha'u sei fó uluk oportunidade ba Sr. António Verdial. Halo favor.

Sr. **António Verdial de Sousa** (KHUNTO): — Obrigado ba biban ne'ebé haraik mai ha'u.

Bom dia ba Sr.ª Presidente no componente Mesa, Excelência Vice-Ministro ne'ebé trata assunto parlamentar, Na'i no Lou Deputado sira, rona-na'in iha Timor laran tomak mak ha'u respeita no hadomi.

Ohin, iha Plenária ida-ne'e, nu'udar Deputado ida ne'ebé mai husi instrumento político KHUNTO, hakarak nafatin hafanun no fó-hano in ba IX Governo Constitucional ho elenco governamental tomak iha biban ukun nia laran, buka meios hotu-hotu atu oinsá lailais ka acelera implementação poder local liuhosi política descentralização, atu nune'e ukun ne'e implementa ba iha poder local ba município ida-idak iha território nacional. Ita-nia Nação, RDTL, ki'ik, ita restaura ita-nia independência iha 20 de Maio de 2022, liu tiha ona tinan 21 Timor-Leste hetan ninia independência. Iha sorin seluk, Timor-Leste mós iha nia recurso humano suficiente ka natoon ona hodi implementa política iha ida-idak ninia município ba iha poder local ne'e iha ita-nia Nação, RDTL. Iha-ne'e atan ha'u relembra filafali, iha IV no V Governo Constitucional ne'ebé lidera rasik husi Excelência Maun Boot, Comandante em Chefe das FALINTIL, Kay Rala Xanana Gusmão, nu'udar Primeiro-Ministro, biban hirak liu ona ko'alia dala barak, halo consultação kona-ba política descentralização no poder local hale'u território nacional, maibé to'o ohin lora ladauk hakotu realidade ne'ebé significante.

Bainhira ita haree ba artigo 72.º Constituição da República Democrática Timor-Leste, kona-ba poder local, alínea ne'e hateten claro iha versículo 1), versículo 2), no liga ba artigo 72.º, ko'alia kona-

ba poder local, tuir loloos, município hotu iha território nacional bele implementa ona poder local ne'e, iha ha'u-nia observação nu'udar Deputado, karik la Deputado, ha'u la ko'alia, maibé nu'udar Deputado. Município balu implementa ona, maibé seidak completo, buat hotu sei continua hein husi Governo central ka nacional. Ida-ne'e susar tebes, oinsá mak município ida atu halo nia gestão mesak sem husi Governo central?

Iha parte seluk, IX Governo Constitucional hakarak muda fali RAEOA ne'e no controla husi Governo central, atan ha'u, dala ida tan, ko'alia hanesan Deputado iha Uma-Democracia ida-ne'e, assunto ida-ne'e ita viola ona ita-nia Constituição RDTL ne'e rasik. Ita bele haree iha artigo 5.º ko'alia kona-ba descentralização, alínea 1) ne'e dehan katak ita-nia organização territorial Estado respeita princípio descentralização ba administração pública»; 2) Lei sei define no fixa escalão territorial ida ne'ebé ninia característica no competência administrativa ne'ebé escalão territorial ida-idak ninian. Nune'e ha'u atu hatete katak iha alínea 3) ne'e ko'alia claro, Oe-Cusse Ambeno no Ataúro sei iha tratamento administrativo no económico especial. Hanesan Deputado mós, ha'u husu ba Ita, Deputada no Deputado na'in-64, inclui ha'u 65, atu ita lê didi'ak artigo 138.º Constituição República, kona-ba organização económica.

Ha'u, hanesan Deputado, bele conclui katak ita-nia Nação, RDTL, tinan 20 ukun an ona, ita labele taka an demais ho nação sira seluk, satán Timor-Leste atu tama ba ASEAN, ho nune'e mak ita-nia poder local ka descentralização ne'e mós, tuir loloos, implementa daudaun iha território nacional. Timor-Leste ninia recurso humano ne'e barak hela, só que ita rasik mak politiza sasán sira-ne'e hotu no oinsá mak halo gestão no implementa política hirak ne'e iha ita ida-idak ninia município rasik. Hein katak política IX Governo Constitucional bele implementa iha tempo badak.

Tuirmai, hanesan Deputado, representante povo, ha'u ko'alia loloos de'it, karik Governo central continua nonook nafatin, claro aumenta desemprego ba beibeik tanba iha município la iha campo serbisu, jovem barak tuir de'it mak «treinamento» tanba Governo la cria condição di'ak, hanesan serbisu ba agricultura. Maibé, irrigação ne'ebé iha Governo la hadi'a, hein de'it udan-been, udan-been mós la di'ak, dala barak jovem sira *stress* halo cidadão Timor-Leste halai hotu ba rai-li'ur no buka serbisu atu fó-han ba ninia feen no oan. Iha-ne'e, hanesan Deputado, ha'u conclui no fó sugestão ba IX Governo Constitucional: primeiro, acelera processo política descentralização administrativa ba kraik ho objetivo atu ukun ne'e ita hakbesik ba povo; Rua, favor ida cria campo de trabalho ba juventude Timor-Leste.

Muito obrigado, Sr.^a Presidente.

Sr.^a **Presidente:** — Obrigada, Sr. Deputado.

Tuirmai, Sr. Deputado David «Mandati».

Sr. **David Diaz Ximenes «Mandati»** (FRETILIN): — Obrigado Presidente, bem-vinda, Ita-Boot iha ita-nia Rain fali ona, ami hein hela, mas mai tiha ona.

Maluk Deputado sira hotu, ha'u atu fó-hanoin de'it lian balu iha-ne'e, horisehik horibainrua parece que fulan uluk liubá ha'u ko'alia, kona-ba ita-nia maluk ida ne'ebé moras, naran Thomas Pereira Guterres, código Matakoi, mate tiha ona. Mate tan demora, passaporte la iha, demora, demora, demora, médico sira dehan nia bá lailais karik kala halo *kemo*, maibé la halo. Ita-nia maluk ne'e la iha tiha ona.

Tan saida mak ha'u levanta problema ne'e? Ita-nia alin ne'e começa ho 14 anos envolve iha buat ida be hakarak ukun rasik an ne'e, sei 14 anos. E tan saida mak nia envolve? Tan nia mós hakarak ukun rasik an, e, momento ne'ebá nia escola hela, como nia falta beibeik ba halo fali buat sira-ne'e, ema tem que duni-sai nia, nia la escola tiha. Apesar de ser quase analfabeto, iha últimos anos, 96, 97, 98 nia ativo tebetebes, nia maka'as, apesar de analfabeto. Quando to'o momento atu halo campanha ba *referendum*, ema nia oan ne'e la'o, la'o maka'as tebes. Maibé, pronto, Maromak ninia plano kala oin seluk, nia mate tiha ona, parece-me que aban sei hakoi iha Jardim dos Heróis.

Situação ida seluk mak, uluk mós ha'u sempre ko'alia iha-ne'e, ha'u hein katak maluk sira seluk ne'ebé kleur ona iha-ne'e hatene, ha'u levanta, problemas de estações de combustível iha Díli laran ne'e maka'as tebes. Ita hein katak sei la acontece buat ruma, mas, quando acontece, ita halai hotu la biban. Ha'u-nia hanoin, Governo agora bele hanoin ona oinsá reduz, la'ós dehan atu hasai, ba fatin seluk-seluk ne'ebé isolado para ita-nia carreta sira bá, lalika mai to'o fali Díli maka enche combustível.

Ida seluk mak *Pertamina*, há quatro ou cinco anos, *Pertamina* ne'e kalan atu problema ona, sorte ema nia oan Liquiçá ida maka salva, e Liquiçá oan ne'e tem que mate. Momento ne'e quase atu incêndio ne'e mosu, mas nia hamate, hamate ho nia an kedas.

Outra questão mak ha'u atu foti, restos mortais dos nossos mártires. Ita halo tiha ona, parece-me, resolução ida iha-ne'e. Ha'u hein katak ita-nia Vice-Ministro Hugo, kleur ona iha-ne'e, nia mós vítima ba restos mortais, nia hatene, tan saida mak ha'u ko'alia hanesan ne'e. Nia hatene hela, ko'alia hela iha ita-nia Concelho de Ministros para depois ita-nia Ministério dos Negócios Estrangeiros esforça an tan iha-ne'ebá. Tan saida? Ema sira ne'ebé uluk mai envolve an iha-ne'e ne'e maioria mate ona, maioria mate ona, uitoan de'it mak iha-ne'ebá. Ketahalobé aban bainrua sira mate hotu, ita husu fali, sira dehan katak «Oh, sira mak hatene, ami la hatene ona». Ha'u husu favor ida, ne'e la'ós ha'u-nia questão de'it, ne'e la'ós questão partidária, mas questão nacional e de interesse nacional porque ita-nian hotu.

Ida-ne'e mak ha'u hakarak hato'o e muito obrigado, Presidente.

Sr.^a **Presidente**: — Obrigada.

Tuirmai, Sr.^a Deputada Olinda Guterres.

Sr.^a **Olinda Guterres** (KHUNTO): — Bom dia ba Sr.^a Presidente, bem-vinda ba Ita-Boot, ami gosta haree Ita-Boot ohin tuur fali iha-ne'e, gosta tebetebes.

Ba Sr. Ministro, Sr. Vice-Ministro dos Assuntos Parlamentares ninian, colegas Deputados, maluk rona-na'in sira, ha'u-nia bom dia ba Ita-Boot sira hotu.

Sr.^a Presidente, dadeer ida-ne'e iha maluk ida ne'ebé tuur iha ha'u-nia kotuk entrega carta ida mai ha'u, mak carta ha'u kaer daudauk ne'e...

Sr.^a Deputada ne'e hi'it carta ne'e hodi hatudu.

... iha-ne'e hakerek «Serviço de Terras e Propriedades e Serviços Cadastrais do Município de Baucau». Iha-ne'e, carta ne'e dirige ba ema nia oan ne'e ninia Aman atu hapara sira-nia construção uma ninian ne'e. Maibé, rai ne'ebá ne'e ha'u mós bele sai testemunha, – ha'u tama mai ne'e ha'u la haree ba partido, nia partido seluk, maibé ha'u la haree ba partido – ha'u mós bele sai testemunha rai ne'ebé agora ema nia oan ne'e halo uma iha leten ne'e. Surat ida tun ba ne'e dehan katak atu hapara kedas dentro de lora hira oan, tem que hapara tiha kedas, depois iha-ne'e carta ne'e ninia despacho ne'e haruka ba fatin-fatin, ne'ebe, ha'u hanoin, Sr. Ministro, ha'u la bele lê hotu, técnico sira ida bele mai lori bá entrega iha Sr. Ministro atu nune'e bele tau iha atenção ida-ne'e. Tanba uluk ne'e dehan katak ema ne'ebé hela rai Estado nia leten tinan lima hela ba nia, to'ó agora ema kaer nafatin liafuan ida-ne'e, ne'ebe ha'u la bele hatene, e ne'e Comissão A ninia conta, maibé, como ha'u simu ona ida-ne'e, ha'u fó-hatene de'it ba Ita-Boot iha Mesa Parlamento ninia atu técnico sira ida mai bele foti entrega ba Sr. Ministro atu nune'e bele haree rasik surat ne'e dirige ba iha fatin-fatin. Ita-Boot, técnico ida bele mai foti ne'e entrega ba Sr. Ministro. Ha'u lê ida-ne'e runguranga loos, ha'u lê la hotu, ne'ebe, Ita-Boot, Sr. Ministro, bele tau atenção lailais tanba iha foho ami-nia Venilale ne'ebá ne'e quando halo ona uma maka ema hanesan ne'e dala ruma bele oho malu. Governo tau atenção lailais! Ema ne'e hela rai leten iha ida-ne'e ne'e desde ocupação, 40 e tal anos ona, la'ós foin agora mak mehi fali halo uma iha-ne'ebá. Ha'u rona husi ne'ebé-ne'ebé, ita Timor ne'e sempre fai lia ba malu tem que hanesan ne'e, hanesan ne'e, buat fetosaa-umane nian tama hotu, ne'e ladún di'ak ida. Ne'ebe, Sr. Ministro, hodi lei mak bele resolve ida-ne'e.

Ha'u hanoin, ida-ne'e de'it mak ha'u hato'o, ha'u la bele ko'alia hotu, ida-ne'e mak ha'u simu informação ne'e ha'u hato'o ba Ita-Boot iha dadeer kmanek ida-ne'e.

Senhora técnica ne'e bele mai entrega *langsung* ba Sr. Ministro atu nune'e lailais ho urgente, keta halo kleur, ema hein malu, ameaça malu hela mak ne'e, oho malu Sr. Ministro mak hatene ba.

Naran katak ha'u hatu'o tiha, Ita-Boot ninia competência. Ema halo uma ne'e la'ós agora mak halo uma, desde bapa sira halai duni ami tun sa'e mós ha'u dala ruma ba tama ema nia uma.

Ha'u hanoin, ida-ne'e de'it mak ha'u hatu'o, Sr.^a Presidente, ha'u fó tempo ba maluk sira atu ko'alia fali. To'ó tempo ko'alia mós dala ruma ha'u hakarak ko'alia barak liu, maibé agora ne'e ha'u hanoin Sr.^a Presidente, hanoin maluk sira, ko'alia uitoan de'it.

Obrigada.

Sr.^a **Presidente**: — Obrigada, Sr.^a Deputada.

Tuirmai, Sr. Deputado Gabriel Soares.

Sr. **Gabriel Soares** (CNRT): — Obrigado, Presidente.

Bom dia ba Ita-Boot, Mesa, colega distinto Deputado sira hotu, audiências, mídia e povo doben Timor-Leste.

Iha-ne'e ha'u iha assunto tolu, ha'u hakarak fó-sai iha Plenária ida-ne'e: primeiro, em relação ho ami-nia fiscalização foin daudaun, liga nafatin ho projeto KTI, projeto comunitário ne'ebé Ministério Educação, iha orçamento anterior, hahú kedas husi 2021, 2022 e nia continuação mai to'ó iha 2023. Ita haree katak iha projeto balu que hetan ona inauguração, maibé foin daudaun, iha semana kotuk, quando ami tun ba terreno, iha Capital Nação nian, Díli, iha Escola 30 de Agosto, iha-ne'ebá, tuir *BoQ* (*Bill of Quantity*) ne'ebé foin ami hetan acesso husi Ministério Educação, atu constrói ne'e sala sia, maibé na realidade iha terreno halo reabilitação ba sala ualu de'it, sala ida lakon e inaugura tiha ona. Tanba ne'e ami recomenda nafatin ba Ministério Educação, Excelência Ministra ho Secretário Estado, oinsá atu orienta parte inspeção Ministério Educação ninian atubele tun lori haree kona-ba situação ne'e.

Acontece mós iha Escola 12 de Novembro, inaugura tiha ona maibé nia *lantai* ne'e la tau *keramik* ida, tau cimento *kasar* de'it, inaugura tiha ona.

Iha escola balu *BoQ* la'o oin ida construção la'o oin seluk, hanesan Escola 10 de Dezembro, tanba ne'e, husu atu Ministério Educação, liuliu parte inspeção Ministério Educação, atu tun ba terreno *rehek* kona-ba projeto sira KTI ne'e, tanba mai husu orçamento iha-ne'e katak ita-nia oan sira, ita-nia comunidade, inan-aman, comunidade educativa precisa tanba oan sira tuur de'it iha ai-hun e tau orçamento ida-ne'e iha fundo categoria transferências públicas, – Sr.^a Presidente sei lembra ida-ne'e – e execução iha terreno balu kala loos maibé balu la'o oin seluk fali.

Segundo, fó-hatene ba Governo, ne'e lia-tatoli husi Maun-Alin mate-resto 12 de Novembro, ne'ebé agora sira-nia sede atual iha ex-comarca Balide, sira husu ba Governo IX, tanba sira rona katak iha ex-Comarca Balide nia oin ne'e atu halo construção fali tan uma foun balu iha-ne'ebá ba Centro Nacional Chega!, se bele karik imagem ex-Comarca Balide ne'e mantém hanesan ne'ebá, para nia

imagem kona-ba construção ne'e labele lakon, nia mantém hanesan ne'ebá. Halo de'it reabilitação, *okay*, maibé construção foun orsida bele halo nia imagem ida original ne'e lakon tiha. Ne'ebe, Maun-Alin mate resto 12 de Novembro, ne'ebé agora halibur an hela iha sede Comité 12 nian, husu ba Governo atubele considera hela sira-nia preocupação ida-ne'e.

Terceiro, ikusliu, atu fó-hatene mós ba Governo atubele continua tau fio elétrico ba eletricidade riin ne'ebé agora hamriik hela hanesan ai-hun loos de'it iha Posto Administrativo Lacló, Aldeia Karah. Eletricidade riin sira-ne'e monta wainhira ita atu tama ona iha tempo campanha, eletricidade riin sira agora hamriik mesamesak de'it, nia talin la iha, fio elétrico mak la iha to'o agora. Companhia ne'e bá harii tiha eletricidade riin, maibé fio elétrico la dada, ne'ebe comunidade sira husu mai atu fó-hatene ba iha Governo IX, oinsá, se iha karik programa, atubele halo continuação ba dada fio elétrico ba eletricidade riin ne'ebé harii iha tempo campanha ninian.

Obrigado.

Sr.^a **Presidente**: — Tuirmai, Sr.^a Deputada Cedelízia dos Santos.

Sr.^a **Cedelízia Faria dos Santos** (CNRT): — Muito obrigada, Presidente Parlamento Nacional.

Ha'u-nia bom dia no respeita ba Ita-Boot, composição da Mesa, distinto Deputado sira hotu, Excelência Vice-Ministro, audiência, maluk rona-na'in, karik sintoniza hela Rádio Parlamento Nacional, mídia no povo doben Timor-Leste.

Ha'u iha questão rua mak atu foti iha-ne'e: primeiro, ha'u atu husu ba Mesa Parlamento kona-ba assunto membro conselheiro ida husi ita-nia Conselho Imprensa.

Ha'u hanoin, atual Secretário Estado Comunicação Social, Excelência Expedito Dias Ximenes, ne'ebé uluk representa Concelho Imprensa, ne'ebé hili husi Parlamento Nacional, ita hotu hatene katak Sr. Expedito agora daudauk sai ona membro Governo no ha'u mós acompanha no rona informação husi nia membro sira katak Excelência hatama ona nia carta resignação.

Ha'u hanoin, papel ba ita, Parlamento, se bele karik ita agenda para hili filafali membro foun ida hodi troca Excelência Secretário Estado, atu nune'e labele fó impacto ba ita-nia Conselho Imprensa rasik.

Tuir informação ne'ebé ha'u rona, sira iha membro na'in-lima, agora, ho ausência husi Sr. Expedito, fó impacto boot tebes wainhira sira atu foti decisão. Sira iha na'in-lima, agora iha haat de'it, ha'u hanoin, ne'e susar tebes ba sira, tanba ne'e ha'u hakarak fó-hanoin ba Parlamento tanba ita maka iha dever atu nomeia fali ema foun, então ita iha direito para iha tempo badak bele mós nomeia ema ida hodi substitui filafali Sr. Secretário Estado.

Segundo, ha'u hakarak husu, karik bele, ba ita-nia Vice-Ministro, tanba iha Parlamento uluk, ita hotu hatene katak wainhira comissão sira ba halo fiscalização iha terreno, iha mós

acompanhamento husi média sira, média la'ós Parlamento nian rasik, maibé mós média pública hanesan RTTL nian, ne'ebé faz parte mós ba Governo.

Ha'u hakarak congratula ba técnico Parlamento sira-nia serbisu, di'ak tebes, cada terça-feira ita mós iha atividade ne'ebé Parlamento nian fó-sai mós iha RTTL. Maibé, questão mak cada vez ita bá iha terreno, ita-nia militante sira ou ita-nia eleitor sira, povo sira, ladún acompanha kona-ba atividade fiscalização Parlamento nian tanba la fó-sai iha notícia. Tanba ne'e ami husu, karik bele, ba Secretário de Estado da Comunicação Social, – hanesan ohin ha'u dehan, uluk liu Parlamento bele selu custo viagem ba jornalista sira, maibé, relatório Câmara de Contas nian hatete katak órgao ida labele selu filafali ema seluk, funcionário, ne'ebé la'ós pertence ba Parlamento Nacional – iha serbisu di'ak entre Parlamento ho Secretário de Estado da Comunicação Social, wainhira comissão sira bá halo fiscalização, bele halo mós convite ba RTTL sira. Maibé, se bele, tau mós orçamento ida iha pasta ida iha ne'ebá para bele usa hodi halo cobertura ba atividade Parlamento nian. Ho ida-ne'e ita la contra lei, atividade la'o nafatin, em termos de lei mós ita la contra tanba RTTL mak selu nia ema rasik. Ida-ne'e ha'u fó-hanoin de'it.

Ikusliu, ha'u hakarak hatete iha-ne'e katak, ha'u hanoin, Governo ida-ne'e la contra Constituição kona-ba RAEOA nian, tanba RAEOA goza nafatin ninia independência iha questão hotu-hotu, só ninia problema ne'e mak ninia sistema financeiro. Tanba ita ko'alia kona-ba transparência, então ita tem que iha sistema ida ne'ebé hatudu duni katak ninia gastos ne'e to'o iha-ne'ebé, maibé IX Governo la atu hasai filafali direito específico ne'ebé Constituição fó hela ba RAEOA. Ha'u hanoin, ita tem que destinge entre buat rua ne'e, em termos de transparência ita tem que iha duni sistema ida-ne'ebé controla buat hotu-hotu.

Exemplo ida, Parlamento Nacional, ita usa ita-nia osan rasik, ita mós goza ita-nia independência ida-ne'e, maibé, ita-nia orçamento hotu tau iha Portal de Transparência, sistema ne'e controla, tanba ita garante transparência ida-ne'e.

Ha'u hanoin, ida-ne'e de'it mak ha'u hakarak fó-hanoin hela para ita mós tem que halo diferença entre questão ida no questão seluk.

Mak ne'e de'it, Presidente, obrigada barak.

Sr.^a **Presidente**: — Tuirmai, Sr.^a Deputada Lúcia Norberta.

Sr.^a **Lúcia Norberta dos Santos Martins** (FRETILIN): — Obrigada, Sr.^a Presidente.

Bom dia ba Ita, ba Mesa, ba colega Deputado sira, ba Sr. Vice-Ministro, média no maluk rona-na'in sira.

Iha dadeer kmanek ida-ne'e ha'u hakarak foti questão rua: primeiro, liga ba carta ida-ne'ebé Governo hakerek mai iha Parlamento Nacional iha dia 3 de agosto de 2023, relaciona ho pergunta

Deputado sira-nian, Governo esclarece mai katak – ha'u lê liu de'it para bele halo referência ba assunto seluk – «Esclarecimento sobre a questão levantada pela distinta Deputada sobre atraso de pagamento aos idosos», iha-ne'ebá hateten katak... «Decreto-lei n.º 53/2023, alterou o pagamento aos idosos de 50 USD para 57 USD mensalmente. Esta alteração não foi orçamentada pelo Governo cessante, assim, o novo Governo tem que incluir o montante de pagamento 57 USD no Orçamento Retificativo».

Segundo hateten hanesan ne'e: «O Ministério da Solidariedade Social e Inclusão já comunicou com os bancos para agendarem as datas de pagamento para os beneficiários. Assim que o Orçamento Retificativo for aprovado pelo Parlamento Nacional, procedemos com os pagamentos».

Resposta ida-ne'e haruka husi Sr.^a Vice-Ministra Solidariedade Social e Inclusão, e ha'u hanoin katak iha princípio de continuidade, esclarecimento tem que loloos ba povo tanba povo ne'e atu hili partido A ka B, nia continua beneficiário hotu kedas ba programa Governo nian.

Iha-ne'e ha'u atu relaciona, se dehan katak IX Governo aumenta osan ba 57 USD la tau, então ha'u refere ba Lei n.º 15/2022, de 21 de dezembro, kona-ba Orçamento Geral do Estado para 2023, iha artigo 2.º, aprovação das tabelas, iha kedas alínea c), iha tabela 3, iha-ne'ebá setor proteção social ne'e ita tau osan 308 020 925 USD. Osan ida-ne'e ita fahe ba buat barak, maibé hakarak menciona de'it iha-ne'e katak dehan osan la iha, então ami hakarak atu menciona de'it, iha programa ida ba velhice ne'e ita tau osan 61 497 349 USD, ba fali ita-nia maluk sira ne'ebé moras, incapacidade ho maluk portador deficiência, ita tau 5 941 710 USD. E interessante tebes katak iha loron hirak liubá BNCTL hasai aviso kona-ba horário atendimento ba beneficiário, idoso no ema ho deficiência, ba fase I tinan 2023 sira tau ona sira-nia calendário iha município 13, sei hahú husi dia 14 de agosto no termina iha dia 5 de outubro. Então, informação ida-ne'ebé Sr.^a Vice-Ministra haruka ne'e contradiz ho Lei Orçamento Geral do Estado 2023, ne'ebé ita hotu aprova iha-ne'e, iha tinan kotuk, ne'ebé ohin tama ona Retificativo.

Então, ami precisa esclarecimento ne'e loloos. Sr.^a Vice-Ministra dehan osan la iha, maibé BNCTL hasai ona aviso dehan osan iha bá selu, então osan ne'e mosu husi ne'ebé? La'ós mosu husi aprovação ne'ebé Parlamento Nacional halo iha Orçamento Geral 2023? Ida-ne'e tem que ser esclarece didi'ak.

Ha'u lamenta tebetebes ba Sr.^a Vice-Ministra ninia informação ne'ebé contradiz tebetebes ho buat ne'ebé iha. Ita Timor lakon tempo ba politiza buat ne'ebé la devia politiza, to'ó ikus ita mak hanesan ne'e, ita mak *gerak jalan*, la'ós *gerak jalan*, lae! *Tetap di tempat*, ita la la'ó bá oin. Podia ita foco ba buat seluk lae, ida-ne'e mak ita continua politiza, ne'e ladún di'ak e lamenta tebetebes husi parte Executivo ida mak ko'alia kona-ba ida-ne'e.

Segundo, atu foti questão ida relaciona ho parte fronteira.

Sr. Vice-Ministro, Ita-Boot mós uluk Deputado, ami hakarak recomenda de'it iha-ne'e, ita haree katak fronteira ne'e mota ne'e ninia intensidade ne'e boot, então sobu beibeik rai ne'ebé iha. Ne'ebe ami recomenda, projeto ida-ne'ebé agora começa halo ona, bá halo muro proteção iha parte Mota-Ain nian husi companhia Mira Mar, ita haree di'ak tebetebes, ami recomenda atu Mira Mar bele completa, e ida-ne'e, se bele karik, habelar tan ba linha fronteira hotu-hotu. Ita haree dignidade ita-nia Rain nian, se bele karik haree muro ne'e halo didi'ak tanba se ita la halo mak rai ne'e kuak hela de'it, kuak hela de'it, to'o ikus ita lakon rai barak ita manán mak mota fali. Ne'e problema. Ne'ebe ami recomenda, hahú husi Memo nian, posto Uma Kou tun bá to'o kraik, se bele karik, halo muro. Ne'e primeiro.

E, segundo, se bele karik halo mós estrada ida iha-ne'ebá para bele facilita serbisu autoridade Estado nian ne'ebé iha-ne'ebá no facilita mós ita-nia comunidade atu iha acesso ba hotu-hotu ne'ebé iha.

Ne'ebe questão ida-ne'e mak ami atu hato'o. Questão rua de'it.

Maibé ha'u filafali ba questão ida primeiro, se bele karik Sr.^a Vice-Ministra haree, se ema ba forma agora simu osan, Ita-Boot, osan ne'e mosu husi ne'ebé? Favor ida esclarece mai ami.

Obrigada.

Sr.^a **Presidente**: — Muito obrigada.

Tuirmai, Sr. Deputado José Virgílio Ferreira.

Sr. **José Virgílio R. Ferreira** (CNRT): — Di'ak, obrigado.

Bom dia ba Presidente, componentes da Mesa, Sr. Vice-Ministro no mós distinto Deputado sira, povo rona-na'in sira hotu.

Iha-ne'e ha'u hakarak foti assunto balu kona-ba bee nian, se la sala notícias mós fó-sai.

Foin lailais iha Suco Kulu-Hun falta aldeia rua mak dehan bee la iha, mas ha'u hakarak hato'o notícia katak Secretário de Estado de Água e Eletricidade hato'o ona katak *debit* bee ne'e mak la to'o, tanque ne'e, ne'ebe sugere, se bele iha Orçamento Retificativo tau orçamento para haree to'ok ba atu halo tanque ne'e aumenta boot tan para comunidade sira bele hetan acesso. No mós husu ba Governo tem que halo controlo ba ligação sira ne'ebé ilegal, bee ne'ebé dada la tuir regra, la tuir dalan, ne'ebé afeta mós ba suco sira seluk, bairro sira seluk mós, ne'ebé bee seidauk to'o ba iha-ne'ebá.

Tuirmai, foti tan kona-ba jogos, iha-ne'e ha'u la'ós atu hateten katak jogos ne'e atu taka ka lae, mas husu ba Governo tem que haree to'ok oinsá jogo sira-ne'e bele tau iha nia fatin, tanba kalan-kalan ita la'o, Sr. Vice-Ministro mós hatene, ita haree, la'ós ema ne'ebé serve duni bele bá joga, maibé ita haree barak labarik sira mós iha fatin ne'ebá começa lori osan *cent* sira-ne'e bá joga iha *bola guling*. Ne'ebe, se bele jogo sira-ne'e tau duni iha nia fatin.

Tuirmai, ha'u hakarak foti kona-ba lixo iha Díli laran. Iha-ne'e Deputada no Deputado sira mós foti ona kona-ba lixo iha Díli laran, ha'u karak fó-hanoin to'ok ba Governo, se la sala iha tinan kotukbá ha'u ho Deputado Marito Mota bá Camboja, kalan ami la'o sai, fatin sira lixo ne'e, ami haree iha-ne'ebá movimento ema ra'ut lixo ne'e iha kalan, ema la'ós ra'ut lixo ne'e loran. Ne'ebe, se bele karik Governo foun cria to'ok mecanismo ida para oinsá lixo iha Díli laran ne'e dadeer-saan ita mai ne'e ita labele haree lixo ona, fo'er sira-ne'e. Cria to'ok modelo ida para oinsá fó serbisu ba ita-nia ema, ita-nia jovem sira para oinsá bele hamoos lixo iha tempo kalan.

Depois, tuirmai, hakarak fó-hatene tan mós, parte companhia Caltech ne'ebé iha semana kotuk halo audiência ho ami, iha Comissão D, sira hato'o ona atu halo reciclagem lixo ne'e bele sai ba fali buat ne'ebé liga ho construção nian. Ne'ebe sira-nia fatin ne'e iha Beduku ne'ebá, sira harii kedas iha tinan 10 nia laran ona, maibé sira husu oinsá Governo bele haree fatin iha parte iha Tibar nian, sira mós haree rai iha-ne'ebá para husu to'ok, haree to'ok, ba companhia ne'e.

No mós Deputada Lídia, se la sala, fulan hirak liubá ne'e foti mós questão kona-ba sunu lixo iha Tibar ne'e, Governo tem que haree ona oinsá lixo ne'e la bele sunu, e fó ba ita-nia setor privado sira para investe filafali iha lixo ne'e, halo reciclagem filafali lixo sira-ne'e atubele sai fali hanesan *capstone* ka *paving* ne'ebé liga ba construção nian.

Ha'u-nia hanoin, ha'u-nia intervenção mak ne'e de'it.

Obrigado.

Sr.^a **Presidente**: — Srs. Deputados, molok atu fó ba Sr. Deputado sira, se continua atu halo intervenção, ha'u taka ona.

Tuirmai, Sr. Deputado Anacleto Freitas.

Sr. **Anacleto Freitas** (CNRT): — Obrigado ba tempo.

Presidente Parlamento ho composição da Mesa mak ha'u respeita, Vice-Ministro dos Assuntos Parlamentares mak ha'u respeita, colega Deputado no Deputada sira mak ha'u respeita, mídia no povo rona-na'in tomak iha Timor laran tomak mak ha'u respeita.

Iha-ne'e, ha'u karak foti ponto rua: ponto primeiro mak ha'u atu ko'alia kona-ba UKL (Uma Kbiit Laek) iha município Viqueque nian, posto Ossu.

UKL ne'e fahe ba *golongan* rua; UKL ida *reguler* ne'e iha ninia orçamento *tuju belas ribu*, UKL *Plus* ninia orçamento ne'e iha *tiga belas ribu*, maibé UKL ida *reguler* ne'e, *tuju belas ribu* ne'e, halo ona tinan ida resin maibé nunca mais atu hotu. Ninia orçamento ne'e sira executa to'o iha klaran de'it, maibé osan sorin bá iha-ne'ebé, la hatene. Ita-nia karreta sira ne'ebé companhia usa ne'e barak mak la selu, tanba ne'e mak foin daudauk fim de semana ha'u tun bá, sira informa hela ida-ne'e.

Nune'e mós sasán ne'ebé ema *suply* ba iha UKL ninian, ne'e mós la selu ida. Ne'ebe sira nia preocupação iha-ne'ebá, foin daudauk ha'u tun bá sira hato'o hela, tanba ne'e mak ha'u mai foti iha-ne'e para depois Parlamento forma equipa ida bá haree to'ok ida-ne'e.

UKL *reguler* ne'e 10, halo tinan ida resin ona, maibé nunca mais atu hotu, foin mak klaran de'it. Osan ne'ebé sira executada ne'e to'o iha klaran de'it dehan katak osan ne'e hotu ona, e kareta balu mós la selu, sasán ne'ebé ema hatama ba mós la selu. Ne'e mak sira-nia preocupação ne'ebé hato'o hela mai ha'u, tanba ne'e mak ha'u foti hela iha Parlamento ida-ne'e, atu nune'e Parlamento hato'o hela ba direção competente para bele tun bá terreno hodi bele halo fiscalização ka haree to'ok, nune'e duni ka lae. Ne'e primeiro.

Segundo, ha'u hakarak atu hato'o tan problema ida-ne'ebé acontece iha Uailili, ita-nia ema balu hadau tiha ita-nia ema balu ninia natar ne'e ulun tolu, ne'e natar ne'e hadau tomak, ulun tolu ne'e hadau hotu kedas. Ne'ebe ita-nia ema balu, dehan katak força F-FDTL ida, mak hadau, tanba ne'e mak sira hato'o ona ba iha direção, mas talvez ita-nia ema balu ne'ebé força ne'e usa ninia competência atu taka hotu buat sira-ne'e. Tanba ne'e mak nia informa hela mai ha'u atu nune'e bele foti mós iha-ne'e para nune'e ita, nu'udar representante povo, karik bele, tun to'ok ba terreno para haree tuir to'ok ba ida-ne'e. Tanba F-FDTL ne'e ligado mós ba ita iha-ne'e iha Comissão B, tanba ne'e mak, karik bele, fó orientação to'ok ba ita-nia Comissão B atu nune'e tun ba iha terreno para bele haree mós ba ida-ne'e. Tanba natar ne'e ulun tolu kedas, depois natar ulun tolu ne'e mós ida-ne'ebé hato'o hela mai ne'e ninia rasik loos, é sira hadau ne'e la'ós família, família mas dook uitoan maka hadau filafali.

Ha'u hanoin, ida-ne'e mak ha'u bele foti iha-ne'e. Ne'ebe, ha'u-nia mak ne'e de'it, ha'u hato'o obrigado.

Sr.^a **Presidente**: — Muito obrigada, Sr. Deputado.

Tuirmai, Sr. Deputado Manuel Noronha.

Sr. **Manuel Henrique Noronha** (PD): — Obrigado ba oportunidade.

Lou Presidente Parlamento Nacional mak ha'u respeita, Na'i no Lou distinto Deputado sira hotu mak ha'u respeita, composição da Mesa, Vice-Ministro dos Assuntos Parlamentares mak ha'u respeita, mídia, observador no rona-na'in sira hotu mak ha'u respeita no hakru'uk, e bom dia.

Ha'u iha assunto tolu relaciona ho comunidade, e situação balu iha Díli laran. Primeiro, iha informação husi Suco Clacuc, aldeia Nalolo, ne'e inundação ne'ebé acontece e mota sa'e sempre fó ameaça hela de'it ba comunidade iha área ne'ebá no mós irrigação hahú husi tinan 2004 to'o a data, e husu ba Vice-Ministro dos Assuntos Parlamentares atubele hato'o mós questão ida-ne'e, tanba ita antecipa, do que hasoru problema hanesan Beikala nian, ne'ebé área 300 ou 400 hectares natar nakfilak filafali ba rai maran.

Segundo, informação husi comunidade iha Suco Betano ho Construção IPB (Instituto Politécnico de Betano), ne'e problema ne'ebé comunidade 41 chefe família hela desde Indonésia nia tempo hanesan *transmigrasi*, e halo negociação no cooperação husi Governo local ho autoridade competente, sira entrega rai ne'e ba Estado hodi halo construção IPB, ho concordância katak Estado, liu husi IPB, halo recompensação filafali, la'ós rai mas ai-horis ho uma ne'ebé sira hela bá. Lista de pagamento publica tiha ona iha tinan 2022 fulan-dezembro, maibé to'o a data seidauk iha recompensação, seidauk selu ba comunidade nia ai-horis no uma ne'ebé sira husik hela iha fatin refere, maibé construção continua la'o hela to'o agora.

Ida-ne'e mak preocupação povo nian, hato'o ba Sr. Vice-Ministro atubele hatutan hela informação ne'e ba ministério competente, atubele resolve tanba comunidade husik ona fatin refere e entrega ona ba Estado hodi halo construção.

Ikus, situação ida ne'ebé ita hasoru iha área *perempatan*, crusamento husi Audian, Becora, Bemori ho Toko Baru, *perempatan* ida-ne'e fó ameaça loos ba transporte, tanba husi Toko Baru sa'e bá, Audian tesik bá, Becora tesik mai, e dadeer quase to'o meio-dia, loraik. Agradece e congratula tebes ba pessoal trânsito ne'ebé hamriik iha klaran hodi «dissemina» situação ba transporte, nune'e la bele hasoru problema.

Ho ida-ne'e, hato'o hela ba Vice-Ministro dos Assuntos Parlamentares atubele hatutan hela informação ida-ne'e ba direção competente para bele tau netik sinal trânsito ruma, hanesan *lampu merah*, para bele ajuda polícia nia serbisu iha-ne'ebá, tanba dadeer, quando ita liu ou meio-dia ita sai serbisu, ita sempre hasoru problema ida-ne'e, tanba kareta motor dala ruma atu rei malu sala-sala tiha de'it iha klaran.

Ida-ne'e mak informação badak husi ha'u.

Ida-ne'ebé ami hato'o ne'e problema ne'ebé ita hotu hasoru, comunidade hasoru iha terreno. Husu, bele fó atenção ba situação hirak hanesan ne'e.

Obrigado barak.

Sr.^a **Presidente**: — Obrigado, Sr. Deputado.

Tuirmai, Sr. Deputado Ricardo Baptista.

Sr. **Ricardo Baptista** (CNRT): — Bom dia ba Sr.^a Presidente, composição da Mesa, Sr. Vice-Ministro, colega Deputado sira no rona-na'in sira.

Primeiro, ha'u hakarak secunda saída mak hato'o husi Deputado Virgílio, sobre lixo ne'ebé iha Díli no mós companhia Caltech ne'ebé halo ona nia serbisu reciclagem, liuliu ba lixo *inorganic* sira, ne'ebé agora daudauk nia koko, e halo tiha ona reciclagem, e mós nia fa'an tiha ona, inclui lori bá to'o iha Austrália.

Ho ida-ne'e, husu ba Governo agora daudaun bele haree to'ok, ida-ne'e sai nu'udar exemplo ida ou experiência ida atu nune'e bele fó-dalan liu ba companhia refere atu nune'e bele resolve tiha lixo *inorganic* sira, hanesan lixo *plastik* sira, ne'ebé *tidak bisa terurai*, liuhusi sira-nia atividade ida-ne'e bele hamenos tiha lixo ne'ebé iha Díli to'o agora ita la bele resolve.

Segundo, ha'u hakarak fó-hanoin ba Governo, liga mós ba segurança rai-laran ne'ebé to'o agora, ita bele dehan, horikalan to'o ohin dadeer hamosu situação ne'ebé ladún di'ak iha fatin hira kedas iha Díli laran, e iha semana ida-rua liubá kotuk ne'e mós ita acompanha hela, katak problema hana malu, sona malu e tuda malu continua acontece iha território tomak. Ne'ebe, ha'u husu ba parte Governo para haree hela situação ida-ne'e, atu nune'e povo bele moris hakmatek. E husu mós ba jovem sira hotu, ho situação ida iha ita-nia laran hanesan ne'e, economia mós ita susar tebetebes, mundo mós hasoru hela problema barak, atu hotu-hotu hakmatek bá, fó tempo ba Governo atubele hala'o ninia serbisu, nune'e bele fó oportunidade ba ita para jovem sira mós bele hetan serbisu hodi nune'e bele hadi'a ita-nia moris.

Terceiro, ha'u hakarak ko'alia, ida-ne'e ha'u ko'alia beibeik ona iha Governo anterior e agora mai tan fali ona, sobre eletricidade iha Ataúro.

Sr. Vice-Ministro, ha'u hanoin, ida-ne'e ha'u husu ba Ita-Boot bele liga direta hela ba Sr. Secretário de Estado Eletricidade sobre assunto eletricidade iha Ataúro.

Sr. Vice-Ministro hatene katak agora daudaun Ataúro ne'e município, maibé ninia situação ne'e la hanesan ho município sira seluk. Atu hatete hela ba Ita-Boot sira, parte Governo, katak Ataúro ahi lakan to'o tuku 10 de'it mate ona. Dala ruma ita han hela, tuur hela, seidauk descansa, ahi mate ona. Ne'ebe, husu ba Sr. Vice-Ministro, hatete hela ba Sr. Secretário de Estado, favor ida. Karik la lakan 24 horas moras bá mós, atu muda ka «maneja» horas ahi nian, atu nune'e bele lakan horas 18 ka horas 16, maibé bele fahe, oinsá mak ahi ne'e bele lakan to'o dadeer e loron ne'e ahi fó mós atu ema halo serbisu.

Ida-ne'e mak, ha'u-nia hanoin, atu fó-hatene hela ba Sr. Vice-Ministro. Karik bele, agora fó-hatene hela ba Sr. Secretário de Estado para bele resolve tiha problema ahi iha Ataúro, tanba problema ne'e kleur tebes, quase que tinan neen tinan hitu, to'o agora seidauk bele resolve.

Ha'u hanoin, ida-ne'e mak ha'u hato'o hela ba Sr. Vice-Ministro.

Obrigado barak ba oportunidade.

Sr.^a **Presidente**: — Tuirmai, Sr. Deputado António Ferreira.

Sr. **António Verdial da S. Ferreira** (KHUNTO): — Obrigado ba tempo.

Bom dia ba Presidente, Excelência Presidente Parlamento Nacional ho nia composição Mesa, Excelência Vice-Ministro dos Assuntos Parlamentares, Deputada no Deputado sira, mília no mós rona-na'in sira mak ha'u respeita.

Na'i Presidente Parlamento Nacional, hanesan representante povo iha Uma Democracia ida-ne'e, ha'u lamenta tebes ho ato sira ne'ebé mosu iha capital Nação nian, iha Díli laran ne'e, situação la hakmatek iha tempo kalan.

Hanesan representante povo, husu ba Comissão Reguladora das Artes Marciais atubele fó sanção imediata ba organização sira ne'ebé la cria paz no dame iha Nação ida-ne'e.

Acontece ohin dadeer, jovem sira tuda malu iha Rai Kotu, bainhira jovem sira husi organização *PSHT (Persaudaraan Setia Hati Terate)* fila husi Tibar. Ne'ebe, husu ba KRAM atubele investiga comissão organizadora ba graduação husi *PSHT* atubele hatene motivo husi confronto ne'e.

Na'i Presidente Parlamento Nacional, lei mais alto hodi regula nia cidadão, associação no organização sira hotu atu Nação ida-ne'e ho organização sira ne'ebé Estado ou Governo fó legalidade bá, hanesan legal ona iha Nação ida-ne'e, atubele hala'o nia atividade. Atu declara iha Parlamento ne'e katak cada organização iha nia origem no doutrina diferente, ho nune'e mak husu ba pessoal sira ne'ebé utiliza mília social labele privatiza ema seluk nia organização.

Husu ba organização sira hotu, ohin loron, nu'udar juventude di'ak ne'ebé iha Nação ida-ne'e nia laran, atu ita hotu-hotu haree ba unidade nacional e atu haree ba ita-nia estabilidade governativa ne'ebé la'o ho di'ak, atu ita bele hamutuk iha unidade ida-ne'e, metin, para lori ou haree ba ita-nia Nação bele la'o ba oin.

Ida-ne'e mak ha'u-nia intervenção.

Obrigado.

Sr.^a **Presidente**: — Ikusliu, Sr. Joaquim dos Santos.

Sr. **Joaquim dos Santos «Boraluli»** (FRETILIN): — Obrigado, Sr.^a Presidente.

Bom dia, Srs. Deputados e Sr.^{as} Deputadas.

Ha'u iha observação rua iha-ne'e: Primeiro, kona-ba Proposta de Lei n.º 1, ha'u hanoin, Parlamento ninia *adviser* sira, liuliu secção de pesquisa e apreciação ba processos halo lei ninian ho assessor sira, haree didi'ak e pela primeira vez Parlamento ne'e simu documento ida, lei ida que trata assunto tolu iha lei ida nia laran, e que lei tolu ne'e vigente hotu.

Ha'u hanoin, ida-ne'e, molok atu Comissão sira haree, precisa iha parecer jurídico ida para ita classifica, é que tuir loloos Governo apresenta pacote ida, mas lei ne'e tem que ketaketak, Lei ba Orçamento Retificativo ne'e ketak, LEO (Lei do Enquadramento do Orçamento e gestão financeira pública) ketak no Lei Tributária ketak, labele trata lei tolu ne'ebé atu halo alteração ba ninia matérias.

Mesmo que matéria ne'e liga ba orçamento, em termos de procedimento, legislação ne'e tem que mai ketaketak.

Como é que ita trata lei ida ba Lei de Enquadramento do Orçamento mai iha proposta ida, Tributária mai ho proposta ida, Retificativo no mai ho proposta ida de'it? Então, ita atu halo diferença halo nu'usá? E, orsida Comissão atu halo relatório orçamento ne'e halo nu'usá? Tanba iha proposta de lei ne'e trata capítulo fali, lei ida nia substância hatama iha lei foun ida, trata em capítulos.

Depois, interpretação jurídica, ita la bele halo analogia husi princípio ho efeitos, tanba tem que ser iha grau de valor hanesan mak ita bele halo analogia. Tanba ne'e mak, ha'u hanoin, molok comissão sira atu aprecia, é preciso ita iha parecer jurídico ida para justifica ninia veracidade nos termos de procedimento. Ida-ne'e, primeira observação kona-ba ida-ne'e.

Liga ba ida-ne'e, tanba ha'u lê iha nia justificação de motivos ne'e Governo husu ho urgência, nos termos do Regimento artigo 64.º, karik tem que ser husu uluk ba comissão competente atu halo apreciação ba nia carácter de urgência ne'e, – ne'e liga ba orçamento e? – depois mak Comissão C apresenta mai Parlamento para aceita ka la aceita carácter de urgência ne'e, la'ós mai fali ho proposta de resolução. Proposta de resolução bele apresenta só depois de Comissão C halo tiha ninia análise de carácter de urgência, ne'e em termos de procedimento.

Ha'u hanoin, ita tem que haree didi'ak ida-ne'e antes de ita halo discussão, tanba se carácter de urgência ne'e ita husu pacote ida iha laran ne'e, lei tolu ne'e, pelo menos Retificativo ha'u considera ne'e urgente, mas LEO ho Tributária é relativo ninia urgência. Então orsida Comissão C atu halo análise ne'e halo nu'usá? Tau hamutuk tolu ne'e ne'e de'it ka oinsá? Ne'ebe Governo nia proposta ne'e, ha'u hanoin, di'ak liu husu sira halo ketaketak, em vez de ita hamutuk de'it. Ne'e primeira observação ba assunto ida-ne'e. Ha'u hanoin, husu Plenário nia consideração, ita hein ita-nia jurista sira halo to'ok parecer ida kona-ba ida-ne'e.

Segunda observação, Sr.^a Presidente, ha'u lamenta ho Parlamento nia lapso ida, quando ausência do Presidente do Parlamento, Parlamento la iha delegação de competência ba Vice-Presidente atu bá hola posição iha Presidente da República nia fatin. Tanba Presidente sai, Presidente Parlamento mós sai, conforme pedido husi Presidente da República nian ne'e, husu atu Presidente Parlamento halo substituição temporária iha nia fatin, mas Presidente mós sai, depois Vice-Presidente ida mós sai tan, ita-nia Vice-Presidente ida de'it iha-ne'e, e ami husu iha Plenária ne'e, Vice-Presidente hatete katak nia la iha competência atu bá, então ha'u hanoin iha futuro mai, Sr.^a Presidente tem que observa situação sira-ne'e.

Obrigado.

Sr.^a **Presidente:** — Muito obrigada, Sr. Deputado.

Ha'u responde kedas ba Sr. Deputado Joaquim, halo favor lê iha artigo 84.º da Constituição. O Presidente saiu para uma visita privada, ne'ebe interinidade ne'e lae ida. Ha'u hanoin interpretação...

Sr. Joaquim dos Santos «Boraluli» (FRETILIN): — Não!

Sr.ª Presidente: — ... O Sr. pode dizer não, mas as práticas são estas.

Sr. Joaquim dos Santos «Boraluli» (FRETILIN): — Ponto de ordem!

Sr.ª Presidente: — La precisa ponto de ordem porque ita atu discute ida-ne'e ita dada bá dada mai. Ne'ebe tem a razão de ser, ha'u fó de'it competência hanesan Presidente do Parlamento ba Sr. Vice, maibé ida interinidade não. Tanba impedimentos que diz aqui, impedimento temporário ou permanente ne'e bainhira caso hanesan horibainhira Sr. Presidente Ramos Horta iha nia primeira hanesan Presidente da República hetan tiro, ah, ida-ne'e sim! Mas ida-ne'e temporária por impedimento que ele pediu autorização para sair, nia la hatete dehan ha'u atu bá interinidade ba ne'ebá. Ne'ebe halo favor lê lai mak ita bele discute liga ho ida-ne'e.

Kona-ba ida Ita-Boot foti, halo favor lê, Divisão de Apoio ao Plenário halo ona nota de admissibilidade, que está aqui. A nota de admissibilidade explica claramente, claro katak Lei tolu ne'e bele dala ida, não é a primeira vez. Ne'ebe uluk Comissão C hatete cavaleiro orçamental, e prática ne'e la'ós iha Parlamento timorense de'it.

Ne'ebe, Sr. Deputado lê uluk lai ida-ne'e mak ita ko'alia.

Liga ho proposta de deliberação ou pedido de urgência, claro katak iha-ne'e explica tiha ona, tramitação ida-ne'e ne'e processo de urgência, liga ho forças ne'ebé hato'o iha-ne'ebá. Ita uluk halo tanba retificativo ne'e de'it, maibé ida-ne'e liga ho lei tolu, ita hamenos ona nia prazo, e ali explica a razão de ser.

Ha'u hanoin, orsida proponentes ba projeto deliberação sei explica, e Comissão C está integrado neste assunto, e mera coincidência fui Presidente da Comissão C, eu estou integrada neste assunto, e é possível, sim senhora, ne'ebe não há nada impossível e la iha nem buat ida que viola regras do nosso Regimento.

Ne'ebe, muitíssimo obrigada, Srs. Deputados.

Molok ha'u atu fó ba Sr. Vice-Ministro dos Assuntos Parlamentares, sei iha ponto de ordem ida.

Sr. Deputado António Verdial, halo favor.

Sr. **António Verdial de Sousa** (KHUNTO): — Muito obrigado, Sr.^a Presidente.

Iha-ne'e atan ha'u atu secunda intervenção Chefe Bancada KHUNTO, Deputada Olinda Guterres, ha'u atu fó-hanoin ba Governo katak Lei n.º 01/2003, de 10 de março, iha artigo 17.º, entidade competente ne'ebé atu executa ordem refere mak Direção Nacional de Terras e Propriedades, não é o Secretário de Estado de Terras e Propriedades. Favor tau em consideração no futuramente ita hadi'a lei kona-ba Regime jurídico de bens imóveis.

Iha-ne'e atan ha'u hakarak fó-hanoin ba ukun-na'in Executivo sira tanba saida mak atan ha'u barani fó-hanoin, tanba ami mós *salah satu person* importante ne'ebé participa ativa hodi halo *draft* Lei n.º 01/2003 iha biban hirak liu ona.

Lei n.º 01/2003, de 10 de março, ninia espírito loloos la'ós atu duni de'it ema, maibé atu regulariza situação. Regulariza situação tem que kaer ba tratamento ne'ebé dimensional, labele haree de'it lei, maibé tem que haree mós ba situação ka dimensão social, económica no cultural.

Husu mós ba Governo atu haree Lei n.º 13/2007, de 5 de junho, Regime especial para a definição da titularidade dos bens imóveis, halo decreto-lei complementar bá hodi hatán lailais ba artigo 50.º da Constituição da República.

Iha Uma Democracia ida-ne'e ha'u atu hatete ba povo Timor-Leste, ami na'in-65 mak Ita-Boot sira-nia esperança, Ita-Boot sira-nia mehi no Ita-Boot sira-nia hakarak, tanba ne'e mak husu Governo atu tau em consideração.

Muito obrigado, Sr.^a Presidente.

Sr.^a **Presidente**: — Obrigado, Sr. Deputado.

Ha'u hanoin, ida-ne'e ita bele halo seminário nacional ida atu ko'alia kona-ba Lei Rai nian, tanba não é tão fácil ita atu compreende, ita-nia problema complexo tebetebes liga ho assunto ida-ne'e.

Sei iha tan ponto de ordem, Sr.^a Deputada Maria Angélica, halo favor fundamenta.

Sr.^a **Maria Angélica da C. dos Reis** (FRETILIN): — Muito obrigada, Sr.^a Presidente.

Relaciona ho questão ne'ebé ohin Sr. Deputado Boraluli ko'alia, kona-ba ausência Sr. Presidente da República ho Presidente Parlamento iha ita-nia Nação, razão fundamental ne'ebé Presidente Parlamento sai, depois Presidente da República sai, hanesan. Ha'u hakarak dehan katak iha processo convite ne'ebé mai iha Presidente Parlamento ho nia delegação, iha fulan rua antes de junho, e confirmado data atu bá ne'e, maibé tekiteki Sr. Presidente da República haruka carta ida mai fó conhecimento ba Parlamento Nacional atu halo viagem privada. Maibé, ba ha'u, hanesan bancada oposição, ha'u hakfodak ba viagem privada ida-ne'e bá halo fali reunião oficial sira, iha-ne'ebé hasoru governantes husi Indonésia nian. Ida-ne'e mak estranho.

Agora, questão ne'ebé Presidente Parlamento lidera grupo *AIPA (ASEAN Inter-Parliamentary Assembly)*, ne'ebé importante tebes ba ita-nia entrada ba iha ASEAN ne'ebé iha ligação, ha'u hanoin, ida-ne'e ita lalika questiona, ita questiona mak Presidente da República nia pedido de ausência iha Timor ne'e bá halo questões privadas, maibé bá halo reuniões ho governante Indonésia sira. Ida-ne'e mak estranho uitoan ba ita.

Ne'ebe hein katak Sr. Presidente da República rona hela saida mak ita ko'alia atu nia fó resposta clara ba povo ida-ne'e, katak quando sai b iha viagem privada, viagem privada! La'ós bá halo visita oficial iha país ne'ebé ita bá.

Muito obrigada, Sr.^a Presidente.

Sr.^a Presidente: — Sr. Deputado Joaquim, Ita-Boot com certeza atu insiste katak carta ne'e nia informa, Presidente da República informou ao Parlamento.

Tanba visita oficial, nia husu autorização, maibé quando visita privada, ha'u la bele hapara, razão mak ida-ne'e. Ne'ebe, Sr. Deputado, ha'u hanoin, ita bele ko'alia, *talk it together*, hodi bele resolve assunto ida-ne'e. Maibé ha'u agradece ba Sr.^a Deputada Maria Angélica, ne'ebe ami bá ami mós hakfodak, ya, Maun Boot, ita-nia S. Ex.^a Presidente da República mós hakfodak, nia dehan la bele, mas ami fó informação dois meses antes. Ne'ebe, atu cancela, ha'u hanoin, à última da hora ita-nia custos boot, maibé Sr. Presidente da República mós decide fila antes de nia encontro remata.

Ne'ebe, ha'u hanoin, iha protestos, Ita-Boot halo ba S. Ex.^a o Presidente da República, e não à Deputada Fernanda Lay.

Ne'ebe, ha'u hanoin, tempo ha'u fó ba Sr. Vice-Ministro dos Assuntos Parlamentares atu hato'o Ita-Boot nia resposta às preocupações dos Srs. Deputados. Halo favor.

Sr. Vice-Ministro dos Assuntos Parlamentares (Adérito Hugo da Costa): — Obrigado, Sr.^a Presidente Parlamento Nacional, membro da Mesa, distinto e distinta Deputado sira hotu, bom dia.

Sr. Deputado sira hotu, ami regista intervenção sira hotu ba assunto sira ne'ebé ohin Sr. Deputado sira na'in-10 mak halo intervenção. Hanesan baibain, resposta detalhada através de carta escrita sei mai direta husi ministério relevante sira ba Sr. Deputado sira-nia preocupação.

Ha'u adianta de'it assunto balu ne'ebé ha'u bele adianta iha oportunidade ohin dadeer. Hahú kedas husi Sr. Deputado António Verdial, ba política descentralização administrativa e poder local, IX Governo comprometido atu implementa, tanba lei sira ne'ebé iha relevância ho poder local nian entrada em vigor hotu ona husi Parlamento e aguarda ba implementação husi Executivo. Portanto, bele haree iha IX Governo nia programa hatete detalhado oinsá importância husi implementa lei poder local e descentralização administrativa tanba necessidade atu halo duni ida-ne'e para depois halo atendimento ida ba povo ho mais adequado, mais eficiente no eficácia.

Sobre questão separação ka dada fali poder RAEOA nian, autoridade nian, mai Governo central, ami la regista iha intenção ida-ne'e, maibé ba Governo hakarak redefine fali estatuto RAEOA e ZEESM husi implementação política nacional ne'ebé existe ona mais de oito anos iha RAEOA.

Governo central nia posição mak autoridade RAEOA ka ZEESM la'ós hanesan fali Estado ki'ik ida iha Estado RDTL nia laran, ne'e mak posição IX Governo nian atu redefine competência sira-ne'e em relação ho Governo central e Governo local nian iha região. La regista iha intenção ruma ka seluk husi saida mak ha'u responde ona, Governo central agora haree hela de acordo ho programa e orgânica IX Governo nian, halo hela processo sira kona-ba possibilidade oinsá atu hahú cessação ba cargo sira. Governo central, IX Governo, considera importância ida-ne'e tanba descentralização administrativa importante.

Sr. Deputado Mandati ko'alia kona-ba questão ida desde semana tolu liubá povo Timor-Leste enfrenta, liga ho questão passaporte liga ho paciente sira-ne'ebé la bele halo referência, transfere bá rai-li'ur, tanba questão sira-ne'ebé ita enfrenta liga ho passaporte.

Sr. Deputado sira hotu, tanba importância passaporte ne'e atu fó atendimento ba povo em geral, liuliu ba sira-ne'ebé moras, estudante sira, tanba ne'e mak horas ne'e Sr. Ministro Justiça iha hela Finlândia hodi finaliza tecnicamente passaporte nia tipo sira, nia carácter, hanesan passaporte ne'ebé mais avançado iha mundo.

Passaporte ida-ne'e nia qualidade ita bele compara de'it ho passaporte Singapura nian iha região ida-ne'e, sudeste Ásia nian. Iha complexidade ida-ne'e mak Sr. Ministro Justiça horas ne'e iha Finlândia e finaliza hotu ona tipo carácter ida especial ba passaporte nian hotu ona, e ha'u bele adianta kedas katak fim de agosto ou início setembro nian ita iha ona livro passaporte iha Ministério Justiça para bele halo atendimento lailais.

Sr. Deputado sira hotu, liga mós ho Sr. Deputado Mandati nia intervenção sobre questão ida paciente sira-ne'ebé iha hela linha espera atu bá rai-li'ur, maibé passaporte la iha, resposta mai ona husi Ministério Saúde, escrita, através de Comissão F nian ne'ebé halo audiência direta ho Sr.^a Ministra, resposta completa mai ona iha Parlamento.

Questão la'ós falta de'it passaporte, maibé medidas ou meios ne'ebé Governo anterior halo dehan katak bele visita ho passaporte ne'ebé mate, na realidade, na implementação ita la bele halo, tanba ne'e mak tem que halo duni passaporte próprio, la'ós passaporte ida atu mate ona, mas dehan fali halo carimbo iha página n.º 3 para depois bele hala'o visita. Ida-ne'e, na implementação, nação sira ne'ebé iha início Governo hatete katak bele, na prática la bele. Tanba ne'e mak problema boot ida-ne'ebé ita enfrenta no ita la bele atu ultrapassa mais cedo possível, a não ser ita hein passaporte próprio Timor-Leste nian ne'ebé iha tempo badak bele iha ona ita-nia Rai-laran.

Ita hotu triste tanba número paciente ne'ebé aguarda hela facilidade hirak-ne'e balu mate daudauk ona, inclui saída mak matebian Matakoi enfrenta. Ita-nia sentido condolência ba família sira,

ne'ebé por fraquezas ne'ebé Estado iha, enfrenta problema sira-ne'e, sira tem que lakon ema ka membro da família ida.

Díli nakonu ho estação combustível, ami regista ida-ne'e, ba autoridade ANPM (Autoridade Nacional do Petróleo e Minerais) ninia mós unidade *Downstream* ANPM ninian atu haree ba questão tanba realidade duni posto combustível barak tebetebes iha capital.

Restos mortais, assunto nacional, ita hotu continua alerta ba malu, husi Parlamento, mós Executivo e Presidente, para atividade contacto diplomático sira-ne'ebé halo entre órgão soberano sira hotu bele contribui ba possibilidade loke dalan ba ita descobre ou descobre rede sira ne'ebé conhece história liga ho restos mortais ne'ebé ita hotu hein.

Deputada Olinda ninian, desculpa, ami simu ona carta escrita, sei envia ba Ministério da Justiça para haree questão ida-ne'e.

Kona-ba Deputada Lídia Norberta ninian, assunto ida-ne'e iha resposta escrita kona-ba perspectiva Executivo ninian, liuliu Ministério Solidariedade Social, mak hanesan iha escrita hatete katak osan ne'ebé aloca ho consideração ba iha 50 dólares cada beneficiário, maibé na implementação orçamento 2023 nian iha fulan hirak nia laran Governo, Executivo, anterior aumenta tan 7 dólares então iha hela *defisit*, total ida 57, aumenta 7 dolar iha tinan klaran, iha implementação OGE 2023, liga ho orçamento 2023 ne'ebé Parlamento aprova ho montante 50 dólar. Ne'e mak resposta escrita ne'ebé Sr.^a Vice-Ministra Solidariedade Social fó ba questão ida-ne'e.

Agora, iha duni regime *virement* ne'ebé iha regime anterior existe hela, desculpa, que iha transferência sem limita bele halo ida-ne'e. Maibé, ba Governo, liuliu ba iha ministério competente, haree katak iha tempo badak la bele halo ho ida-ne'e sem orçamento próprio, ida aumenta ba 7 dólares. Depois de orçamento 2023 Parlamento aprova, husi Executivo montante ida X 7 dólares cada ne'e la prevê, e montante 7 dólares ne'e halo iha tempo atu ba campanha eleição parlamentar.

Sr. Deputado Agio Pereira, jogos domina duni iha ita-nia Rai, tama to'o iha suco ona, IX Governo sei haree hela assunto ida-ne'e atu regulariza. Iha programa IX Governo mós descreve ho di'ak tebetebes política Governo central ninian ba oin atu haree, halo gestão ba jogos ho mais cuidado e protege ita-nia cidadão sira, liuliu labarik sira ne'ebé bele mós acesso ba iha espaço sira jogo nian.

Questão UKL nian, Governo central acompanha hela situação sira-ne'e iha implementação e halo hela levantamento, cada «linha ministerial», liuliu husi MAE ninian, ho possibilidade halo auditoria ba implementação política UKL nian ne'ebé Governo anterior halo, liga ho beneficiário sira-ne'ebé hetan no sira ne'ebé la hetan, sira ne'ebé iha tiha lista depois ko'a tiha fali iha tempo campanha. Situação sira-ne'e hotu mak Governo considera atu haree, halo levantamento ida ho cuidado para depois subsídio ka implementação ba programa Governo central nian ba duni povo ne'ebé merece atu hetan, lalika haree fali ba nia cor partido ka cor saida-saida e liuliu intensivamente implementação programa UKL ho UKL *Plus* ne'e barak liu implementa iha durante período campanha. Líder

comunitária sira iha suco regista ona beneficiário sira ho di'ak tebetebes, envolve chefe de aldeia sira ba sé mak merece hetan, maibé na implementação, iha tempo campanha beneficiário barak mak lakon direito. Então Governo central haree hela ida-ne'e ho cuidado ba saida mak Sr. Deputado Anacleto foti husi husi Viqueque nian.

Questão husi Sr. Deputado Manuel Noronha foti, kona-ba mota Karau-Ulun iha Beikala, Mota Saen iha Fatuberliu, ami regista ida-ne'e ba ministério competente atubele haree situação sira-ne'e.

Nune'e mós questão ida construção expansão espaço ba IPB (Instituto Politécnico de Betano) ne'ebé afeta ba comunidade família 41 ne'ebé seidauk hetan sira-nia recompensação ba sira-nia ai-han sira, ba sira-nia rai ne'ebé sira oferece voluntariamente ba construção ka expansão ba iha IPB iha Betano.

Sr. Deputado Ricardo nian, ami regista ba tau atenção ba iha aumenta horário atendimento eletricidade ba população sira iha rai Ataúro, tanba tinan barak ona sira la hetan acesso ba eletricidade mais ou menos 24 horas.

Questão kona-ba CRAM ninian, Sr. Deputado António Ferreira, sobre oinsá CRAM bele halo implementação ba regra sira-ne'ebé iha ba grupo artes marciais tanba tendência comete iha ato sira-ne'ebé perturba ordem pública, ami regista assunto ida-ne'e atu haree. Lamentável tebetebes tanba gesto hotu-hotu Governo halo, inclui Governo anterior halo para depois atu normaliza, maibé nafatin, tendência organização artes matriciais ka grupo artes marciais seidauk nafatin hakru'uk ba regras atu labele perturba ordem pública. Ita hotu assiste, liuliu ita sira iha capital Díli assiste, tendência continua pratica sira perturba ordem pública comete husi grupo artes marciais. Ha'u sente, ita ninia conclusão ba existência GAM ninian iha-ne'e la'ós ona artes marciais maibé grupo ba halo pressão social, la'ós ona grupo de artes, grupo ba halo pressão social e la'ós grupo artes marciais. Então, Governo central precisa haree ida-ne'e, hamutuk ho CRAM no hamutuk ho entidade hotu-hotu iha defesa segurança sira-nian atu haree questão ne'e ba oin, la'ós de'it puramente ba atividade comete iha perturbação ordem pública maibé ho mós ligação seluk-seluk ne'ebé que tau ba iha questão segurança nacional ba oin.

Questão ida apresentação ho carácter urgência mós inclui iha proposta Orçamento Retificativo, ne'ebé contempla mós alteração ba iha Lei de Enquadramento do Orçamento ninian ho Lei Tributária, Sr. Deputado Joaquim dos Santos ninian, ha'u representa IX Governo apresenta antecipadamente ba cenário hirak ne'e iha Conferência Líderes Bancadas dala rua tuituir malu to'o iha sexta-feira semana liubá e levanta mós husi perspectiva líder bancada sira husi bancada hotu-hotu, Bancada FRETILIN, Bancada PLP, Bancada PD e Bancada KHUNTO. sobre questão ida-ne'e discussão kle'an tebetebes. Tanba ne'e mak ami nafatin apresenta ho carácter urgência composto husi Orçamento Retificativo ne'e iha alteração rua. Husi perspectiva Executivo nian ami haree katak la iha violação ida, hanesan mós saida maka Sr.^a Presidente Parlamento ohin halo explicação ona.

Ha'u hanoin, assunto hirak ne'ebé foti no levanta iha oportunidade ida-ne'e, saida ha'u explica ona e resposta detalhada sei mai direta husi ministério tutela sira.

Obrigado barak, Sr.^a Presidente Parlamento.

Sr.^a **Presidente:** — Iha ponto rua que ha'u nota iha-ne'e. Sr.^a Deputada Lídia Norberta pediu ponto de ordem maibé ha'u la fó tanba se liga ho pagamento idosos, é estranho, tanba Parlamento aprova 50 dólares por pessoas. Se aumentou no decurso do Orçamento Geral do Estado, lei travão la fódalan tanba Governo labele aumenta despesas bainhira Parlamento aprova buat ida. Ne'ebe ha'u husu ba Comissão F atu haree ida-ne'e ho didi'ak, tanba que eu me lembro iha 2022, proposta ne'e ba 50 dólares, agora sa'e fali ba 57 dólares, mai husi ne'ebé 7 dólares? Não sei.

Ida liga ho Sr.^a Deputada Cedelízia Santos, ne'ebé troca Sr. Exedito, realmente Conselho de Imprensa, Comissão da Função Pública iha líderes das bancadas foti tiha ona, ami hein katak líderes das bancadas bele hato'o ninia candidato para bele inclui no ita bele halo votação hodi repõe filafali vacatura husi sira-ne'ebé sai husi conselho ne'e molok remata.

Nune'e ha'u mós hakarak hato'o, Srs. Deputados, ba Conselho de Segurança hein CV husi membro balu mak seidauk completa, husu favor ida, se bele, completa tanba Sr. Presidente da Republica mós husu ona composição sira ne'e atu halo completo para ita hodi bele ba votação.

Ohin, ita sei bele halo de'it votação ba iha cinco membros do Conselho de Estado, ha'u espera katak depois de retificativo, ida Conselho de Segurança ninian mós ita bele completa hodi bele hato'o ba Sr. Presidente da República tanba dala rua ona iha correspondência ne'ebé sua Excelência Sr. Presidente da República husu e insiste tanba nia keta hakarak iha convocatória maibé la completo, hodi nune'e dala ida tan husu Ita-Boot sira, Srs. Presidentes das Bancadas, atu completa situação sira-ne'e.

Ha'u hanoin, ida-ne'e de'it mak ita debate ou completa iha ita-nia Período de Antes da Ordem do Dia, ita ba *break*, ita filafali mai para haree tan assuntos ne'ebé liga ho Período da Ordem do Dia.

Muitíssimo Obrigado. 15 minutos, Srs. Deputados.

Sessão ne'e suspende iha tuku 10 liu minuto 43 no retoma fali iha tuku 11 liu minuto 28.

Sr.^a **Presidente:** — Srs. Deputados, ho respeito ha'u convida Ita-Boot sira hola fatin para ita hahú ita-nia sessão tuirmai.

Mais uma vez, Srs. Deputados, façam o favor de se sentarem para iniciarmos a nossa sessão.

Srs. Deputados, ita-nia agenda tuirmai, ha'u sei la fó baixa à comissão tanba Sr. Vice-Presidente baixa tiha ona ba Comissão, a Lei do Orçamento Retificativo. Ho razão ida-ne'e mak ha'u tau de'it «Anúncio e baixa à Comissão de Finanças Públicas e restantes das comissões da Proposta de

Lei n.º 1/VI/(1.^a) – primeira alteração, a Lei n.º 15/2022, de 21 de dezembro, Orçamento Geral do Estado para 2023, e a Lei n.º 2/2022, de 10 de fevereiro – Enquadramento do Orçamento Geral do Estado e da gestão financeira pública, e segunda alteração à Lei 8/2008, de 30 de junho, a Lei Tributária.

Ne'ebe, ho ida-ne'e ita liu de'it tanba baixa tiha ona iha semana kotuk. Está certo, Sr. Vice? Já deu baixa, muitíssimo obrigada.

Ho nune'e ita ba liu kedas deliberação do pedido de processamento de urgência da Proposta de Lei n.º 1/VI/(1.^a).

Ho ida-ne'e, Srs. Deputados, ha'u husu, molok ita ba ne'ebá, tanba ho razão ida pedido de urgência ne'e inútil, tanba iha nota técnica ne'ebé Divisão de Apoio ao Plenário hato'o iha página n.º 1, iha parágrafo ida ikus, no mós iha parágrafo tuirmai, iha página n.º 2, halo favor lê iha-ne'ebá, ha'u bele lê lailais de'it, deliberação mak ha'u fó ba Sr.^a Secretária, iha-ne'ebá hatete: «O Governo apresenta a proposta de lei com o pedido de prioridade e urgência, não vemos porém qualquer vantagem em processar o pedido ao qual teríamos de dedicar mais 24 horas nos termos do n.º 3 do artigo 97.º do Regimento do Parlamento Nacional, perdendo pois algum tempo, uma vez que o processo especial aplicável à tramitação de Orçamento Retificativo prevê que se inicia imediatamente com encurtamento dos prazos de apreciação e de discussão e votação. E, amanhã mesmo, o Sr. Vice-Presidente do Parlamento Nacional, em substituição da Presidente, estará em condições, *and so on*, por aí fora». E, no parágrafo seguinte diz assim: «consideramos, pois, indispensável por inutilidade o processo do pedido de urgência».

Tanbasá mak hatete hanesan ne'e? Iha artigo 97.º diz assim: «pode ser objeto do processo de urgência qualquer projeto ou proposta de lei», mas o n.º 4 diz assim: «elaborado o parecer...» foi discutido realmente na Comissão C «... o Plenário delibera sobre a urgência, sendo debate organizado pela conferência dos representantes».

É por essa razão mak la lori ho o parecer da Comissão C, mas por deliberação mak lori projeto deliberação ne'e mai. Ida-ne'e di'ak liu tanba ita la precisa lê relatório tomak e a Comissão C escusa de fazer o seu relatório e parecer nesse aspeto, sai mais em conta e mais rápido.

Tanba iha razão ida, Srs. Deputados, pedido de urgência de processos especiais regula ona iha ita-nia Regimento, hanesan ohin ha'u lê, iha artigo 170.º la iha sentido porque processo ne'e encurta ona nia processo, atu habadak liután la bele, ne'e mak urgência dentro de 24 horas. Entretanto, prioridade hanesan ne'e iha legislação ne'ebé processo legislativo comum, tanba Orçamento Geral do Estado, Orçamento Retificativo nia prazo encurtado, ita adapta. Tanba ida-ne'e mak atu urgente to'o ne'ebé ita labele habadak liu do que o prazo que o calendário já diz.

Ne'ebe, Sr.^a Presidente da Comissão C, não há nenhum erro iha-ne'ebá, *malah* favorável liu ba Comissão C. Em vez de fazer dois pareceres neste aspeto, ita halo deliberação ho discussão iha Ita-

Boot sira katak o pedido de urgência é aceitável e Plenário lori deliberação ne'e mai ita debate mak deliberação ne'e iha-ne'e.

Pode aceitar, Srs. Deputados? Mas depois ha'u fó lai tempo ba Sr.^a Secretária lê tiha ita-nia projeto de deliberação ida-ne'e. O projeto de deliberação não substitui o parecer da Comissão C, é diferente, tanba ne'e mak qualquer Deputado pode subscrever e, neste sentido, a bancada do Governo mak assina projeto de deliberação liga ho processo ida-ne'e.

Ne'ebe, Sr.^a Secretária, Ita-Boot bele lê Projeto de Deliberação n.º 6/VI/1.^a. Halo favor.

Sr.^a **Secretária da Mesa** (Virgínia Ana Belo): — Obrigada, Sr.^a Presidente.

«Projeto de deliberação n.º 6/VI/(1.^a) – Processo de urgência relativo ao pedido de tramitação com prioridade e urgência da Proposta de Lei n.º 1/VI/(1.^a) – Primeira alteração à Lei n.º 15/2022, de 21 de dezembro, Orçamento Geral do Estado para 2023, e à Lei n.º 2/2022, de 10 de fevereiro, Enquadramento do Orçamento Geral do Estado e da gestão financeira pública, e segunda alteração à Lei n.º 8/2008, de 30 de julho, Lei Tributária.

Considerando que o Governo apresentou pedido de prioridade e urgência no tratamento parlamentar da iniciativa legislativa que veio a ser registada e numerada como Proposta de Lei n.º 1/VI/(1.^a), pelas razões que indica na exposição de motivos da iniciativa e que consistem, basicamente, na necessidade de acelerar os ajustamentos que pretende ver introduzidos no Orçamento Geral do Estado para 2023, as melhorias nas normas que regem o enquadramento orçamental, a tempo de poderem balizar a preparação do orçamento para 2024, e a redução dos impostos sobre o consumo e dos direitos aduaneiros de importação, de modo a que os benefícios resultantes das alterações legislativas preconizadas possam ser sentidas junto das famílias timorenses o mais rapidamente possível;

Reconhecendo embora que a tramitação dos «orçamentos retificativo» prevista nos artigos 162.º a 169.º do Regimento do Parlamento Nacional permite, por via do disposto no seu artigo 170.º, o encurtamento substancial dos prazos normais de apreciação, discussão e votação da proposta de lei, reduzindo, assim a duração dos trâmites processuais, imprimindo suficiente celeridade ao processo e tornando, pois, dispensável o processamento de urgência;

Admitindo igualmente ser questionável a utilidade de processar a urgência de uma iniciativa legislativa que, por força das normas que se lhe aplicam, integradas em processo especial, é já tramitada, por si só, com celeridade e premência, sendo sensato concluir que a aplicação do processamento de urgência tem mais sentido quanto às iniciativas que tenham de observar o processo legislativo comum e que é essa razão por que a figura se insere no capítulo das normas regimentais que se referem diretamente a essa forma de processo;

A figurando-se embora ser óbvio que o efeito útil do pedido de prioridade e urgência, aflorado também no artigo 11.º da Lei da Publicação dos Atos não se faz sentir quando haja apenas uma iniciativa legislativa para tramitar, como acontece presentemente no Parlamento Nacional;

Atendendo a que, ainda assim a instituição parlamentar, por uma questão de bom relacionamento institucional entre os órgãos de soberania, deve tomar decisão expressa sobre o pedido de prioridade e urgência que lhe foi dirigido, reconhecendo-lhe o fundamento e validade;

Considerando, finalmente, que a Comissão de Finanças Públicas, reunida em 11 de agosto de 2023, se pronunciou expressamente sobre o mesmo pedido, acolhendo-o sem reservas, o Parlamento Nacional delibera, nos termos do artigo 92.º da Constituição da República e da alínea b) do n.º 1 do artigo 9.º do Regimento do Parlamento Nacional, o seguinte:

1. É aceite o pedido de prioridade e urgência da Proposta de Lei n.º 1/VI/(1.ª) – Primeira alteração à Lei n.º 15/2022, de 21 de dezembro, Orçamento Geral do Estado para 2023, e à Lei n.º 2/2022, de 10 de fevereiro, Enquadramento do Orçamento Geral do Estado e da gestão financeira pública, e segunda alteração à Lei n.º 8/2008, de 30 de julho, Lei Tributária.

2). O acolhimento do pedido de prioridade e urgência a que se refere o número anterior não afeta a calendarização da tramitação da iniciativa legislativa deliberada na reunião de Conferências dos Representantes das Bancadas Parlamentares que teve lugar em 11 de agosto de 2023, onde já estão suficientemente reduzidos os prazos para a sua apreciação em comissão (seis dias) e para a discussão e votação na generalidade (um dia) e a discussão e votação na especialidade (dois dias).

Parlamento Nacional,

14 de agosto de 2023,

Os Deputados proponentes,

Deputado Patrocínio Fernandes dos Reis e Deputada Sancha Margarida Tilman.»

Obrigada, Sr.ª Presidente.

Sr.ª Presidente: — Srs. Deputados Proponentes, iha intervenção ruma que atu hakarak explica liután?

Sr. Deputado Patrocínio, faz favor.

Sr. Patrocínio Fernandes dos Reis (CNRT): — Obrigado.

Bom dia ba Sr.ª Presidente do Parlamento Nacional e membros da Mesa, Srs. Distintas e distintos Deputados no público tomak.

Ami submete projeto de deliberação ida-ne'e kaer ba, primeiro, reunião conferência de líderes das bancadas nian iha dia 11 de agosto, sexta liubá, ne'ebé marca presença mós husi líder bancada

hotu-hotu iha-ne'ebá hodi haree ba assunto Proposta de Orçamento Retificativo ne'ebé mai husi Governo.

Ami kaer mós documento ne'ebé mai husi Governo ba Lei Orçamento Retificativo ninian iha ninia página n.º 3, justificação kona-ba prioridade e urgência, iha Projeto de Lei ami descreve momoos razão sira, nota técnica husi DIPLÉN mós apresenta e ami haree, kaer ba ita-nia realidade ne'ebé iha, ne'ebé husi loron ba loron precisa duni Governo ninia intervenção ho medida ruma ba preocupação tomak público ninian, ita-nia povo nian, hafoin liutiha eleição.

Haree ba nota técnica sira, haree mós ba Regimento no artigo sira Constituição nian ne'ebé cita iha documento, nota técnica sira-ne'e mak lori ami submete Projeto de Deliberação ne'e mai iha Parlamento Nacional para ita discute e aprova para depois bele fó biban, leet, ba Governo atu mais rápida halo intervenção ba realidade povo nian e ita-nia Rain nian.

Ha'u hanoin, ne'e de'it, tanba documento iha hotu Deputado sira-nia mesa leten, hotu-hotu bele lê hodi entende tanba motivo saida mak ami mai ho Projeto de Deliberação.

Obrigado, Sr.^a Presidente.

Sr.^a **Presidente**: — Obrigada.

Deputada Sancha, ainda quer pronunciar alguma coisa? Faz favor.

Sr.^a **Sancha Margarida Tilman** (PD): — Bom dia ba Presidente, composição da Mesa, Sr. Vice-Ministro dos Assuntos Parlamentares, ba Deputado sira no maluk rona-na'in hotu.

Relativamente ho Projeto de Deliberação ne'ebé iha hotu Ita-Boot sira-nia mesa, ita hotu nia mesa, ida-ne'e la sees husi razão fundamental ne'ebé Deputado Vice-Presidente Bancada CNRT foin fó-sai daudauk, tanba ida-ne'e mak Bancada PD, hanesan mós bancada do Governo, assina projeto de deliberação ida-ne'e atu nune'e bele avança ba ita-nia discussão hodi bele resolve necessidade ne'ebé ohin ita hotu-hotu foti iha ita-nia intervenção husi ita tama mai to'o agora ida-ne'e.

Obrigada barak.

Sr.^a **Presidente**: — Muito obrigada, Srs. Deputados proponentes.

Tuirmai, intervenção husi Sr. Deputado Aniceto Guterres.

Sr. **Aniceto Longuinhos Guterres Lopes** (FRETILIN): — Obrigado.

Boa tarde ba Sr.^a Presidente, colegas Deputados, Excelência Sr. Vice-Ministro dos Assuntos Parlamentares.

Ha'u iha questão rua de'it atu coloca ba Plenária ida-ne'e atu ita haree lisuk: ida, questão kona-ba tramitação.

Tuir artigo 97.º Regimento nian, se la iha parecer husi Comissão C, la iha deliberação kona-ba carácter urgência, e de facto la iha duni parecer tanba despacho iha-ne'e baixa o orçamento, la iha despacho ida atu trata carácter urgência ba Comissão, ne'e mak la iha parecer, e sira la bele halo serbisu, ne'e mak la iha parecer ne'e. Então, ita ignora tiha ona carácter urgência ne'e tuir nota técnica ne'ebé DIPLÉN hasai, tanba ne'e la iha ona sentido. Se agora ita halo deliberação ida dehan la iha parecer, pronto, la iha tanba la husu, baixa ne'e baixa ba buat seluk tiha ona, baixa normal orçamento, hanesan proposta lei baibain, baixa normal ba comissão sira. Ninia conteúdo, teor do despacho é assim: tanba la husu, la usa ida 97.º n.º 3, «O pedido de urgência é enviado à comissão competente para elaborar, no prazo de vinte quatro horas...», la cita iha-ne'e, claro que Comissão C la bele halo parecer tanba la husu. Então, desde início ignora tiha ona, agora to'o ona dalan klaran mak ohin ita atu trata carácter urgência, ita ignora tiha ona. La iha buat ida, nia solução, tanba orçamento ne'e baixa tiha ona, iha-ne'e fó prazo seis dias úteis, então tuir artigo 106.º Regimento ne'e qualquer hora bele halo agendamento ba debate generalidade de'it ona, ita la precisa trata tan carácter urgência.

Agora, deliberação ida-ne'e parece iha sentido uitoan kona-ba prazo, prazo ne'e, mas, ita la precisa decide, halo deliberação. Conferência Líderes Bancadas, quando conserta malu ona, acabou, la'o tuir calendário ne'ebé conferência aceita.

Tanba ne'e, dala ida tan, já não faz sentido deliberação ne'e, ita la halo ohin, mas la impede mós ita-nia processo tuir carácter urgência ne'ebé ita hakarak ne'e, la impede! Vai andar como aquilo que ita hakarak, tuir artigo 106.º ita la'o, Regimento ne'e. Se hakarak, próxima semana, só que la bele menos sete dias, depois de sete dias ne'e bele halo agendamento ba generalidade ona, qualquer iniciativa proposta da lei.

Segundo ponto, se dehan ita atu trata carácter urgência, iniciativa ida-ne'e mai atu altera lei tolu, ida Orçamento Retificativo atu altera Lei Orçamento 2023, rua seluk atu altera Lei de Enquadramento do Orçamento e de Gestão Financeira ho Lei Tributária.

Agora, ha'u-nia pergunta: se ita hakarak duni fó carácter urgência, ida alteração lei rua ne'ebe inclui hotu, integra hotu iha-ne'e ne'e urgente hotu ka lae? Ha'u halo pergunta ne'e tanba questão tributária, quando hatún imposto ne'e nia implicação iha ka lae, ita tem que rona barak husi entidade oioin, tem que halo estudo ka pesquisa ruma ne'ebé tem que profundo, nia impacto económico saida? Tanba ne'e mak ha'u questiona. Do que ita tama ba assunto sira-ne'e, di'ak liu ita ignora de'it, ita lalika ko'alia tan carácter urgência agora para depois discussão wainhira ita iha plenária generalidade ho especialidade mak ita haree assunto ne'e.

Obrigado.

Sr.^a **Presidente:** — Sr. Presidente Aniceto Guterres, ohin ha'u hatete, pedido ida-ne'e bele inútil, tanba artigo 170.º ne'e ita adapta, ne'ebe iha Orçamento Geral do Estado no mós Retificativo

atu habadak to'o ne'ebé ita adapta. Ne'ebe pedido de urgência ne'e inútil, ha'u hatete tiha ona, tanba ne'e pedido projeto deliberação ne'e atu retira tiha mós mantém nafatin ita-nia discussão tanba Orçamento Retificativo ne'e tama iha quinta-feira loraik ou sexta, fim de semana, ita atu halo nu'usá? Mesmo aprova deliberação ho urgência, fim-de-semana ita la iha serbisu, ne'ebe não faz sentido.

Ohin ha'u hatete tiha ona, bele proponente sira retira tanba não faz sentido, Sr. Presidente, ne'ebe, la iha problema.

Ohin refere ona iha artigo balu, katak hakarak ka lakohi só iha processo legislativo comum mak ita bele tau prioridade, e, sei tau prioridade, ita-nia foin mak lei ida-ne'e de'it, la iha seluk atu ita dudu ida-ne'ebé uluk, ida-ne'e mak ikus, ho razão ida atu responde Ita-Boot.

Ohin Ita-Boot mós hatete, «halo estudo uluk», uluk hasa'e mós la estudo ida, ita lembra katak a própria bancada pró-plataforma horibainhira atu hasai tiha, Governo mak convence, e depois tau tiha, sasán sa'e ita hotu hakilar malu. Ne'ebe estudos la halo ida, tanba ho razão ida-ne'e mak hatún atu preço tun, ita espera katak ida-ne'e bele acontece.

Tuirmai, ha'u fó tempo ba Sr. Deputado Luís Roberto.

Sr. Luís Roberto da Silva (KHUNTO): — Obrigado, Sr.^a Presidente Parlamento Nacional.

Boa tarde ba Sr.^a Presidente no membro Mesa tomak, ba Excelência Sr. Vice-Ministro dos Assuntos Parlamentares, ba colega Deputado no Deputada sira, ba técnico, assessor sira, no ba povo doben Timor laran tomak.

Ba ha'u-nia entendimento, kona-ba projeto deliberação pedido de urgência ba Orçamento Retificativo nian, ohin proponente sira fundamenta duni e merece duni atu responde ho urgência, não é? Ne'ebe concorda mós ho explicação husi Presidente Parlamento nian, karik projeto ida-ne'e ita la usa mós ita tama nafatin halo discussão ba iha pedido urgência Orçamento Retificativo nian, ne'ebe concorda ho ida-ne'e.

Iha-ne'e ha'u só duvida de'it kona-ba lei ne'e, lei tolu ne'ebé ita trata ho carácter urgência hotu, ida-ne'e, ba ami, dúvida uitoan. Ne'e alteração da lei.

Secunda Sr. Doutor Aniceto nian, satán kona-ba Lei Tributária ne'e ita precisa rona duni identidade sira, hanesan buat ida karik ema sira enfrenta ida-ne'e, ita precisa rona mós sira, nia vantagem no nia desvantagem iha-ne'ebá.

Governo anterior ne'e hasa'e taxa no nia impacto ne'e boot karik ba economia Timor-Leste, hamate ita-nia empresário nacional, impacto mós ba ita-nia trabalhador sira karik, ita precisa mós audiência ho sira, depois ita bele halo alteração ba lei ne'e. Precisa mak ida-ne'e.

Kona-ba fali husu atu apresenta Orçamento Retificativo, ida-ne'e, ba ha'u, la iha problema, ne'e necessidade duni, importante mak aban bainrua ninia implementação ne'e mós urgente hotu, lei ne'e mak ita precisa atu ko'alia. Ita hotu tetu bá, maibé ami ko'alia, mas nia finalidade ne'e orsida

maioria ne'e sempre manán. Mas ba fali lei ninia implementação, precisa atu ko'alia, lei ne'e lei, la'ós ba iha buat seluk. Ne'ebe ida-ne'e mak ha'u husu filafali ba Mesa no ita hotu nia hanoin kona-ba lei tolu ne'ebé atu trata ho carácter urgente iha tempo badak hanesan ne'e.

Ha'u entrega filafali ba Ita-Boot.

Obrigado.

Sr.^a **Presidente**: — Tuirmai, Sr.^a Deputada Maria Angelina Sarmiento.

Sr.^a **Maria Angelina Lopes Sarmiento** (PLP): — Obrigada, Sr.^a Presidente.

Muito bom dia, Sr.^a Presidente, ba membro da Mesa, ba Sr. Vice-Ministro, distintas e distintos Deputados.

Ha'u mós hakarak coloca questão sobre tramitação prioridade urgência liuhosi resolução ida-ne'e, tanba, se ita kaer ba artigo 97.º Regimento do Parlamento, em especial ba alínea 4), ne'e debate ba pedido urgência la'o organiza duni iha Conferência Líderes Bancadas. Iha líderes bancadas ne'e menciona uitoan kona-ba atu halo aprovação ba prioridade pedido urgência ne'ebé Governo apresenta ba Orçamento Retificativo, e, na verdade nota admissibilidade ne'ebé ohin Sr.^a Presidente menciona, iha-ne'e ami husu duni explicação ba Sr. assessor dehan inútil atu halo aprovação ba pedido urgência ida-ne'e.

Então, iha comissão, ami la'ós dehan ami la iha relatório parecer, relatório parece iha, maibé tanba la debate iha Conferência Líderes Bancadas atu baixa ba comissão hodi aprova relatório parecer, então iha comissão, quando ami atu aprova ona relatório parecer mak ami husu explicação husi assessor sira, sira dehan «la precisa», tanba artigo ida-ne'e sei tama iha capítulo ida processo legislativo comum, tanba ne'e mak iha artigo ida kona-ba debate em urgência ne'e ita adapta de'it. Ho ida-ne'e mak ha'u surpresa tanba embora ita, Comissão C, aprova ona relatório e parecer kona-ba prioridade e urgência nian, ne'ebé ami hanoin dehan ohin ne'e embora iha líderes bancadas la baixa ba comissão atu aprova relatório parecer ba pedido urgência, maibé projeto deliberação ida-ne'e mós, tuir loloos, la precisa, tanba la delibera iha líderes bancadas kona-ba comissão C atu elabora parecer ida fundamentada kona-ba Governo husu pedido urgência ne'e. Ne'e mak ami hakfodak, tramita ida kona-ba resolução ida-ne'e husu ita atu debate fali pedido urgência, ne'e iha líderes bancadas la delibera. Mas, como ami husu ba dehan nia tama iha processo legislativo comum, e pedido urgência ne'e ita adapta de'it tuir pedido ne'ebé Governo fó, então significa ita aplica processo ida-ne'ebé bele hahú ona hanesan ohin Deputado Aniceto hatete, ne'ebe ami hakfodak. Tanba ne'e mak projeto deliberação, resolução, ida ohin propõe ne'e, ha'u hanoin, la iha fatin tanba comissão mós la hetan deliberação husi líderes bancadas, maski ami halo ona ami-nia deliberação. Mas, pedido urgência mós nia prazo liu tan tiha ona, se ita conta husi dia dez ne'e. Tuir loloos dia onze loraik, vinte quatro horas

ona, Comissão C aprova ona pedido urgência ne'e para lori mai iha Plenária. Prazo ida-ne'e mós ita la preenche nia trâmite legal sira, ne'ebe, ha'u hanoin, já não é necessário, Sr. Deputado Patrocínio, hanesan proponente.

Obrigada.

Sr.^a **Presidente**: — Tuirmai, Sr.^a Deputada Maria Angélica Rangel.

Sr.^a **Maria Angélica Rangel da C. dos Reis** (FRETILIN): — Muito obrigada, Sr.^a Presidente, Srs. Vice-Presidentes, Secretária da Mesa sira, ba distinto Deputado sira hotu.

Ha'u coloca questão balu iha-ne'e que, ba ha'u-nia haree, contradiz ho regra normal sira ne'ebé Parlamento halo.

Primeiro, ha'u cita carta ne'ebé Primeiro-Ministro haruka mai ho Lei Orçamento Retificativo, ne'ebé iha penúltima página dehan nune'e: «... Neste sentido, apresento em anexo à Vossa Excelência com pedido de prioridade e urgência a Proposta de Lei de alteração do Orçamento Geral do Estado 2023, acompanhado pela exposição de motivos, pelo relatório, pelo desenvolvimento orçamental e pelos elementos informativos».

Quando dehan katak Primeiro-Ministro é órgão de soberania separado ne'ebé husu mai Parlamento Nacional tuir Constituição haruka, pedido Sua Excelência Primeiro-Ministro nian ne'e pedido de urgência, ha'u hakfodak liu quando ha'u simu documento ne'e iha sexta-feira. Quando ha'u to'o mai, ha'u haree despacho Sua Excelência Vice-Presidente Parlamento nian contradiz ho carta ne'ebé Sr. Primeiro-Ministro haruka com urgência. O que é isto? Artigo 97.º, ne'ebé ohin ko'alia kona-ba prioridade de urgência, artigo 97.º ne'e assessor sira bele halo interpretação, tanba assessor sira mak ema estuda lei, bele halo interpretação ba iha processo legislativo orçamento ne'e processo normal, processo comum ida. Maibé, ha'u-nia interpretação, a Lei de Orçamento é lei especial, que tem que halo menção ba artigo 97.º do Regimento, alínea 3), que, baseia ba carta Primeiro-Ministro nian, tem que trata 24 horas, la'ós ba halo fali menção ba iha artigo 97.º alínea 4) ne'e. Então, ita haree contraditório ne'e iha-ne'e ona. Depois, iha lei ne'e rasik atu halo alteração ba lei tolu. Se carta Primeiro-Ministro nian mai ona, pronto, ita simu, preenche requisitos formais, legais, constitucionais, só que pontuais ne'e mak ita la simu ida. Se pontuais ne'e la simu, claro que, Sr.^a Presidente ohin dehan ne'e, «inúteis». Quando carácter urgência mai, ita tem que trata, tramitações constitucionais, regimentais, formais, falta de'it pontuais ne'e mak ita la halo iha-ne'e. Pronto, então ida-ne'e ohin ha'u concorda ho Presidente Parlamento Nacional no Presidente Bancada FRETILIN dehan, «inúteis», ita trata normal tuir despacho ne'ebé a Sua Excelência Vice-Presidente Parlamento halo, que contradiz ho carta ne'ebé mai husi Sr. Primeiro-Ministro tanba lei ida-ne'e é proposta da lei, não é projeto de lei. Agora ita atu hili ida ne'ebé? Ita simu carta de pedido husi ema ne'ebé na'in ba lei ne'e ka ita simu

despacho ne'ebé mai husi a Sua Excelência Vice-Presidente, Presidente Parlamento em exercício atu halo sasán sira-ne'e?

Ba ami, normal, ami tuir de'it maioria. Mas sasán sira naksalak ita tem que ko'alia, tanba pedido é pedido de urgência, tem que halo interpretação ba artigo 97.º da Regimento, alínea 3) ne'e ba menção ne'ebé halo ba Carta Sua Excelência Primeiro-Ministro haruka mai. Se hanesan ne'e, ita discute halo saida? Ita ba normal para Presidente Comissão bele halo ona carta atu fó convite tuir calendário. Estranho liután mak iha nota técnica Parlamento Nacional nian ne'e calendário ne'e mai fali husi nota técnica, la'ós Presidente Comissão mak prepara. O Regimento diz que «Presidente Comissão e Comissão que prepara proposta calendarização ba iha debate ida», ne'ebe, Sr.^a Presidente, ha'u la hatene ha'u mak sala karik ha'u husu desculpa, maibé ha'u-nia interpretação ba iha pedido de carácter de urgência ida mak ne'e ho despacho da Sua Excelência Vice-Presidente Parlamento nian em exercício Presidente Parlamento la condiz.

Muito obrigada.

Sr.^a **Presidente:** — Despacho la sala ida, Sr.^a Deputada Maria Angélica. Problema tanba iha justificação de motivos do processo hateten ona iha-ne'e, iha página n.º 3 ne'e, «Justificação do pedido de prioridade e urgência». Simplesmente, hanesan ohin ha'u explica, iha processo comum mak bele, ida-ne'e processo especial e bem dito. Tanba Orçamento Retificativo ho Orçamento Geral do Estado, ita atu limita to'ó nu'usá mós encurta de acordo com o artigo 170.º. Se ita loke artigo 170.º, está claro ali, «...da presente secção com devidas adaptações...», adaptação ne'e mak ita habadak ne'e. Ne'e mak, pedido de urgência atu halai to'ó nu'usá, hanesan ohin, lei tolu iha lei ida de'it, não têm problema, não é primeira vez, e esta experiência la'ós de'it Parlamento timorense mak halo, tanba alteração ba lei tolu ne'e tem a ver com o Ministério das Finanças. Se nia tama iha Câmara de Contas nia lei, tanba ita hotu-hotu lembra katak Lei Enquadramento Orçamental mexeu em cinco leis: a Lei do Fundo, Banco Central, Câmara de Contas, Ministério das Finanças, e o próprio Regimento do Parlamento tanba alterou esses limites, tanba ne'e mak Governo limita iha artigos que tem a ver com o Ministério das Finanças.

Agora, dehan «atu halo estudos ka lae», ha'u hanoin, hatún sei favorece liu ba ita-nia população. Ita hotu hakilar foos folin sa'e, açúcar subiu, tudo subiu, e agora ita lakohi hatún, hakarak mantém, *it's ok* bele vota, contra la iha problemas, ne'e método de democracia que vale mós iha ita-nia Parlamento. Ne'ebe, ha'u hanoin, é válido ita hotu nia preocupação.

Tuirmai, Sr. Deputado Joaquim dos Santos.

Sr. **Joaquim dos Santos «Boraluli»** (FRETILIN): — Obrigado, Sr.^a Presidente.

Srs. Deputados e público, ha'u haree proposta de Lei n.º 1 ne'e ha'u la identifica matéria ida kona-ba Orçamento Retificativo, la iha! Proposta ne'e trata de'it alteração ba substância balu iha lei tolu, Lei do Orçamento Geral do Estado 2023, LEO e Lei Tributária. Ha'u hakarak discute didi'ak conteúdo normativo, ha'u atu questiona de'it: será que documento agora baixa ba Comissão sira-ne'e considerado Orçamento Retificativo? Lei ida-ne'e, proposta n.º 1 ne'e, ko'alia ba Orçamento Retificativo? Ne'e primeiro.

Segundo, ita claro uitoan iha-ne'e, ohin Deputado balu ko'alia tiha ona, artigo 97.º n.º 3) Regimento Parlamento ne'e, Deputado Aniceto dehan: «quando atu aprecia urgência husi pedido ruma, Governo ou Deputado, ou bancadas, competência Regimento atribui ba Comissão C. Comissão C, atu halo nia knaar, atu aprecia em 24 horas, precisa iha despacho, despacho atu dehan ba Comissão C apresenta mai Parlamento carácter de urgência husi pedido ne'e. Prazo ne'e sete dias, e agora liu tiha ona, de repente mosu iha ita-nia mesa projeto de resolução kona-ba pedido de urgência ba matéria tolu ne'e. Se prazo hotu tiha ona, ita la iha necessidade atu discute projeto de resolução, segue-se o procedimento normal, ida-ne'e, para ema labele dehan katak ita foti decisão absurda. Ne'ebe, ita haree didi'ak.

Ha'u seidauk tama matéria, ha'u hakarak ko'alia ba procedimento de'it. Ne'ebe, ba ha'u, matéria tolu ne'ebé hatama iha proposta n.º 1 ne'e considera urgência karik quando ko'alia kona-ba Orçamento Retificativo, mas LEO não, tem que classifica lai ninia urgência ne'e iha ne'ebé, tanba la'ós Orçamento Retificativo mak gere princípios orçamentais. Princípios orçamentais define iha LEO, mak gere decisões políticas hodi aprova orçamento. Como é que iha proposta ida mai tau hamutuk conceito rua ne'e, e depois ita dehan katak ida-ne'e urgente hotu? Então tem que identifica lai ninia característica de urgência ne'e. Sé mak iha competência é Comissão C e, neste caso, Comissão C la apresenta mai iha Parlamento relatório e parecer kona-ba urgência ne'e. Ne'ebe, ba ha'u, la iha necessidade atu aprova resolução ne'e.

Obrigado, segue-se procedimento normal.

Sr.^a **Presidente**: — Sr. Deputado, ha'u hanoin, ohin ha'u hateten é inútil. A minha pergunta é muito simples, Sr. Deputado. O Orçamento Retificativo é retificativo, sim Sr., a alteração à lei do Orçamento Geral do Estado é *rectification*, então, esta interpretação ita altera lei ida, retificação sim Sr.^a e altera os números. Ne'e tem que claro, Sr. Deputado. Lembra katak iha artigo balu inconstitucional, está ali a correção, sim Sr.^a, sobre os saldos que transitam e o Governo não mexeu, está bem? Agora ha'u husu ba Ita-Boot sira: se Orçamento Retificativo ne'e tama iha dia 10, dia 11, sexta-feira 24 horas, realmente a Comissão C trabalhou, membros da Comissão C trabalharam, e, está aqui um relatório parecer do pedido e urgência, mas ficou no meu Gabinete, a culpa foi minha, está

aqui, sim Sr.^a. Entretanto, dia 12 dia 13 sábado e domingo, quem viria a trabalhar, Srs. Deputados? Agora ita haree to'ok.

Dia 14 ohin mak ita foin toma nota, mas os trabalhos la'o ona, ne'ebe pedido de urgência ne'e teve a sua razão de ser e processo la'o, tanba ne'e mak nota técnica mai hotu para ita hodi haree referência ida-ne'e. Claro katak, hanesan hateten, lei especial, que o Orçamento Geral do Estado, ninia tramitação ne'e iha ona. Retificativo também tem a sua tramitação, que não pode diminuir mais, ita adapta, ne'ebe la lori tempo naruk hanesan Orçamento Geral do Estado. É isso o pedido, agora dehan tanba la iha despacho, não é verdade! Despacho bele la tau, mas a exposição de motivos está claríssimo, foi com pedido de urgência e foi feito estes trabalhos. Ne'ebe, ha'u hanoin, ita atu discute bá mai, ohin ha'u hatete, nota técnica já disse, deliberação bele exclui mós la iha problemas, tanba ninia encurtamento ne'e adapta ona.

Tuirmai, Sr.^a Deputada Olinda Guterres.

Sr.^a **Olinda Guterres** (KHUNTO): — Boa tarde ba Sr.^a Presidente, Secretária da Mesa, colegas Deputadas e Deputados e maluk rona-na'in sira.

Sr.^a Presidente, Orçamento Retificativo ne'e la'ós agora mak mosu, quase tinan-tinan. E ha'u mós envolve ona iha bancada do Governo no mós bancada da oposição, ha'u envolve hotu ona. Ne'e buat ruma ne'ebé ha'u hatene e ha'u ko'alia e, ida ne'ebé ha'u la hatene, ha'u sei la bele ko'alia.

Sr.^a Presidente ninia ko'alia ohin ne'e mós razão boot ida, Sr. Presidente Bancada FRETILIN nian ko'alia mós buat loos hotu, maibé Orçamento Retificativo ne'e ita ko'alia ba mai tem que urgência, urgência, ne'e la precisa urgência mós ita hala'o duni, ita tem que tama ona ba iha generalidade para atu hakotu iha especialidade. Agora, problema ida ba ha'u mak ne'e, LEO e Gestão Financeira ho Lei Tributária. Lei Tributária ne'ebé uluk ita halo uluk ona ne'e kona-ba item tolu: bebidas açucaradas, bebidas alcoólicas ho tan buat seluk tan, ida-ne'e buat tolu ne'e. Maibé, ikusmai sasán folin sa'e hotu, coador tebetebes mós folin sa'e, café rahun uut tebetebes mós folin sa'e, ne'e mak agora ita-nia maluk sira halo tuir ida-ne'e então foos mós tuir sa'e kedas. Tanba ne'e mak Governo hakarak hatún ida-ne'e, mas kona-ba Lei Tributária ne'e di'ak liu di'ak liu ita bolu ho mós entidade ruma atu mai tuur hamutuk mak ita bele decide, ketahalobé impacto aat ruma ba ita-nia Nação ruma karik, ita tem que hatene. Ne'ebe, tuir ha'u-nia hanoin ne'e, di'ak liu bolu ho sira mai tanba sira mak *protes* beibeik ita sira ne'ebé tuur iha Parlamento dehan katak ita ne'e halo lei mesak, buat hotu-hotu sira tem que hatene. Ne'ebe, agora kona-ba retificativo ida-ne'e, Sr.^a Presidente, ami ko'alia ba Ita-Boot hatán barabarak, barabarak, bá halo to'ok votação bá, sé mak hakarak vota contra, contra ba! Sé mak hakarak a favor, a favor ba! Agora, iha-ne'e sa'e ba Ita-Boot mak choque mai trator ba, naransá mai kedas, ne'e ladún di'ak ida. Quando sa'e ona bá ne'e, maluk sira iha direito para contra, iha maluk sira balu mós iha direito a favor tanba orçamento ne'e precisa tebetebes duni, tanba

ita-nia foos agora folin sa'e la halimar ne'e mak Governo hatún taxa ne'e. Mas, hatún taxa ne'e di'ak ba ita ka la'e? Ida-ne'e mak ohin ita-nia maluk sira balubalu ko'alia ne'e, ha'u hanoin, ida-ne'e mós iha razão hotu. Ne'ebe ba Ita-Boot nia ko'alia mós ha'u foti razão hotu, ba Chefe Bancada, Sr. Aniceto, nian mós razão hotu. Sira seluk ko'alia ne'e mak ha'u la hatene mas Ita-Boot na'in-rua nian ne'e ha'u 100% hotu, buat hotu di'ak hotu. Ne'ebe, *dari pada* ita discute malu retificativo ne'e, ita discussão kona-ba votação na generalidade, ida-ne'e, ha'u hanoin, di'ak liu. Dada ba barak liu ladún di'ak ida, horas mós hanesan ne'ebá ona ne'e, Sr.^a Presidente.

Obrigada.

Sr.^a **Presidente**: — Sr.^a Deputada, ita tem que halo audiência lai mak ba generalidade ho especialidade, ita seidauk ne'e, ita foin inicia.

Ne'ebe, tuirmai ha'u sei fó tempo ba Sr.^a Deputada Cedelízia dos Santos.

Sr.^a **Cedelízia Faria dos Santos** (CNRT): — Muito obrigada, Presidente.

Dala ida tan ha'u-nia boa tarde ba Ita-Boot no ba ita hotu.

Ha'u hanoin, projeto de deliberação ida-ne'e iha dalan hela. Ami Comissão C, hanesan ohin ha'u-nia Deputada Maria Angélica fó-hatene ona, katak baseia ba Regimento artigo 97.º ami hala'o duni ami-nia serbisu, hanesan mós ohin ita-nia Excelência Presidente Parlamento anuncia ona, ita conta katak Governo hato'o ninia proposta ida-ne'e iha quinta-feira loraik e iha sexta-feira ami mós halo kedas ami-nia reunião iha Comissão, baseia ba artigo 97.º, ne'ebe claro hela, lei menciona hela. Então, ami mós submete ami-nia relatório e parecer Comissão C nian, tanba ne'e mak Ita-Boot sira haree iha projeto deliberação ne'e, iha página n.º 2 ne'e, menciona loloos hela katak «considerando finalmente que a Comissão das Finanças Públicas, reunida em 11 de agosto de 2023, se pronunciou... *bla, bla, bla*» iha-ne'ebá hakerek tiha hotu ona, tanba ne'e ami-nia relatório e parecer mós aprova tiha hotu ona. Momento ne'ebá só Deputado na'in-lima de'it maka participa no na'in-haat la iha, ha'u hanoin katak tanba iha preocupação seluk.

Ami considera mós ba Governo nia pedido ne'ebé hakerek claro loos tiha ona iha pedido ne'ebé mai, tanba hakerek katak pedido ne'e urgência duni. Ita hotu hatene katak Governo ne'e Governo foun, ninia programa mós foun, orgânica de Governo ne'e mós iha Ministério balu maka la iha laran, ha'u hanoin, ida-ne'e hotu sai razão ne'ebé lori Governo bele husu pedido de urgência ida-ne'e.

E depois, ha'u concorda ho Presidente Parlamento, tanba parecer Comissão C hato'o iha sexta loraik ona, hanoin katak sábado ho domingo ne'e ita la bele halo duni Plenária, ida-ne'e ita dehan ho *bahasa* karik dehan *masuk akal* hela, explicação Presidente nian ne'e claro, loos hela. E, baseia ba calendário, ha'u hanoin, calendário ida ne'ebé fó-sai ona iha reunião líderes bancadas, momento ne'ebá

ha'u mós hetan telefonema ida atu participa mós, considera ba ida-ne'e, então baseia ba calendário ida geral ne'ebé pronuncia iha líderes bancadas, Comissão C mós iha sexta-feira ne'e halo kedas aprovação ba calendário trabalho, liuliu ba audiência. Ha'u iha calendário ida fó-sai ne'e, la hatete katak audiência Comissão C ne'e, iha-ne'ebá la iha ida, tanba ne'e mak Comissão C mós halo ninia calendário considera ba calendário geral ne'e, inclui calendário ba audiência Comissão C nian ne'ebé sei começa aban. Calendário ne'e ami mós submete kedas ba Gabinete Presidente Parlamento nian, ha'u hanoin, iha-ne'ebá ona, bele distribui mós ba sira seluk.

Agora, haree filafali ba lei tolu ne'ebé mai dala ida de'it no mós ita-nia Deputado balu dehan katak la haree kona-ba retificação ka alteração ba Lei Orçamento Geral Estado 2023, ha'u hanoin, ne'e la loos, tuir loloos ita seidauk bele discute lai kona-ba conteúdo lei nian tanba agora ita foin mak ko'alia hela kona-ba urgência. Maibé ha'u hakarak *underline* de'it iha-ne'e katak Ita-Boot haree iha lei ne'e karik, n.º 2 ne'e ko'alia claro hela alteração kona-ba Lei n.º 15/2022, alteração ba OGE 2023, no claro que ninia detalhe sira-ne'e anexa iha kotuk, tanba ita la bele ko'alia iha lei ne'e, maibé ninia anexo sira, wainhira ita atu halo alteração ba tabela ne'ebá, ne'e anexa hotu, completo. Maibé, tuir loloos ita lalika ko'alia lai iha-ne'e tanba ita foin ko'alia kona-ba assunto urgência nian, mas, se bele ko'alia, di'ak liu ita responde uitoan para halo claro. Ha'u hanoin katak deliberação ne'e iha dalan hela, Regimento mós fó-dalan hela, ne'ebe, ita mós bele avança ba votação.

Obrigado barak, Presidente.

Sr.^a **Presidente**: — Ikusliu ba intervenção, e depois ha'u fó uluk ponto de ordem molok fó ba Deputado Antoninho Bianco, liuliu ba Sr. Presidente Aniceto Guterres. Ponto de ordem, um minuto.

Sr. **Aniceto Longuinhos Guterres Lopes** (FRETILIN): — Obrigado.

Sr.^a Presidente, 24 horas ne'e ba Comissão C, ne'e mak tem que cumpre. Mas, ba Plenário ida-ne'e atu aprecia carácter urgência parecer husi Comissão C ne'e haree ba dias úteis, quer dizer ohin. Uluk iha Conferência Líderes Bancadas ita discute hanesan ne'e, segunda ohin ne'e atu aprecia relatório e parecer kona-ba carácter urgência husi Comissão C, loloos ohin ne'e, só que, como relatório la iha, desde início ita ignora tiha ona. Conferência Líderes Bancadas, tuir artigo 160.º, halo ona adaptação ba Orçamento Retificativo, pronto, então Mesa mak la consistente. Loloos projeto deliberação ne'e la admite ita halo agendamento para ita dada malu hanesan ne'e. Já que dehan inútil, ignora tiha ona desde início, ita ignora to'o hotu! Tanba calendário ajusta tiha ona iha Conferência Líderes Bancadas, adapta tiha ona. Qual é o problema? Tanba ne'e, Sr.^a Presidente, husu ba proponente sira, retira! Ita resolve ona situação, e agora ba comissão sira bele começa serbisu agora, ohin lokraik. Se la iha ona, perde ona nia carácter urgência porque ita dada bá dada mai tanba questão ida-ne'e.

Obrigado.

Sr.^a **Presidente**: — Agradece, Sr. Deputado.

Tuirmai, Sr. Deputado Joaquim dos Santos. Também tem mesma matéria? Ponto de ordem? Sei iha ida tan mas...

Sr. **Joaquim dos Santos «Boraluli»** (FRETILIN): — Obrigado, Sr.^a Presidente.

Ha'u husu ba Mesa atu considera relatório Comissão C nian, tau iha Plenário atu aprecia, tanba iha agenda la iha. Conforme ita debate ohin ne'e processo la'ó hela, só que la agenda mai Plenário.

Conforme interpretação ohin Deputado Aniceto nian, tuir loloos ohin ne'e ita aprecia relatório husi Comissão C, baseia ba declarações Deputada Cedelízia ninian, la'ós atu discute fali resolução ida mai husi Deputado na'in-rua, que ajusta husi artigo 160.º.

Artigo 160.º, com devidas adaptações, wainhira tama mai ne'e única proposta kona-ba Orçamento Retificativo, mas aqui não diz, e alteração a três leis, pode ser substância maka iha semelhança, tanba ko'alia ba osan, é que tuir loloos raciocínio ha'u-nian, tuir procedimento legislação ninian, labele. Mas pronto, processo ne'e la'ó hanesan ne'e, se bele ha'u recorre ba Plenário atu discute relatório e parecer Comissão C nian.

Sr.^a **Presidente**: — Sei iha tan intervenção, Sr. Deputado Antoninho Bianco, faz favor.

Sr. **Antoninho Bianco** (FRETILIN): — Boa tarde, Presidente, Vice-Presidentes, Secretária no Vice-Secretária sira, Vice-Ministro dos Assuntos Parlamentares, ne'ebé mai representa Governo, colegas Deputados, maluk sira mós.

Ha'u secunda sasán sira ne'ebé ohin ható'o, katak projeto resolução ne'e la iha fatin ona. Maibé, ha'u fó-hanoin de'it, karik Comissão C dehan na'in-lima halo tiha parecer ida, aprova ka la aprova, e ha'u haree ona sira na'in-11, sira na'in-lima mak aprova ka la aprova, se aprova, bele considera hodi halo resolução! Se la aprova, bele aprova fali iha-ne'e ka, maibé ho presença Governo karik, tanba ne'e carácter urgente ne'e Governo tem que ható'o mesmo que buat ne'e iha-ne'e por escrita iha tiha ona. Tanba, ita haree, buat carácter urgência Orçamento Retificativo ema la questiona, questiona maka, ha'u mós questiona balu, Governo tem que justifica, primeiro, LEO (Lei Enquadramento Orçamental e Gestão Financeira Pública) maka orienta qualquer Governo atu elabora, aprova, depois atu executa orçamento, ne'e maka LEO ne'e. Uluk dehan Lei Gestão Financeira, maibé agora transforma ba ona LEO, então LEO ne'e maka orienta elaboração Orçamento Geral do Estado, depois orçamenta retificativo, hanesan agora ne'e, até que atu implementa iha base ne'e mós tem que LEO ne'e. Tanba ne'e maka, se LEO ne'e orienta elaboração, aprovação, execução orçamento, halo

nu'usá maka orçamento rasik altera fali? Ne'e contraditório. Se altera, ohin mai orçamento 2024 nian ne'e lei ida be Orçamento Retificativo mak orienta fali, atu elabora fali ne'e buat seluk, ne'ebe buat ne'e tem que separa ida-ne'e. Ida, Presidente mós haree, princípio fundamental atu elabora lei ne'e ohin ha'u cita uitoan artigo 97.º n.º 2 Constituição, ne'e tanba Ita-Boot sira atu book kona-ba Lei Tributária. Mesmo que ita halo buat baibain, iha-ne'e Orçamento Retificativo ka orçamento ne'ebé aprova, ne'e ko'alia previsão orçamento atu tama hira, atu gasta hira. Ohin ha'u sublinha uitoan Presidente nia hanoin, lei travão, maibé iha-ne'e lei travão la iha, Constituição mak hanesan travão, ne'e maka artigo 97.º n.º 2. Ha'u bele lê, «Labele apresenta projeto de lei ka proposta de lei, ka projeto ka proposta kona-ba alteração ne'ebé, iha tinan económico ne'ebé la'ó daudaun, aumenta Estado nia despesa ka diminui Estado nia receita prevista iha orçamento Geral Estado nian ka iha Orçamento Retificativo». Lalika lei travão, maibé iha-ne'e Constituição mak hanesan travão fali, orienta. Hirak ne'e maka ita tem que tetu, e Governo tem que justifica. Ne'e ita seidauk ko'alia princípio seluk-seluk, ita-nia princípio mak ida-ne'e.

Pronto, ne'e ha'u fó-hanoin Presidente, FRETILIN fó-hanoin, liga regras ne'ebé orienta elaboração, aprovação, execução orçamento, ne'e LEO, e liga fali mós la'ós artigo 145.º de'it, lae! Maibé artigo 97.º Constituição, n.º 2. Tanba ne'e ha'u hein katak parecer sira labele contraditório. Se assessor ruma halo parecer contraditório, ita tem que halo pergunta boot: tanbasá maka nia halo buat ida habosok fali Parlamento e habosok fali Governo?

Ida-ne'e mak ha'u-nia observação, ha'u fó hela ba Presidente e bom trabalho ba Comissão C! Hein katak ita bele halo buat ruma. Orçamento Retificativo ne'e claro, iha-ne'ebé de'it, maibé contra princípio Constituição ho regra seluk, ne'e mak ita questiona.

Obrigado.

Sr.^a **Presidente:** — Senhores Deputados, isto não é primeira prática. Iha audiências ita husu, ita bele halo alteração ne'e iha texto, tem caminho. Qual é o problema? Pergunto eu. Uma vez mai iha-ne'e debate iha Parlamento, os erros ita deteta, ita corrige, mas, iha balu próprio Governo não quer, tanba sira mós fundamenta. Ne'ebe, iha dalan atu ita hadi'a bainhira lei travão la bele, maibé ida sete dólares mosu ne'e mós ha'u la hatene mosu husi ne'ebé. Esta é pergunta, não é? Ne'ebe sala falou? Não! Agente corrigir. Ne'ebe, ha'u hanoin, é normal na prática parlamentar, molok ita atu aprova, ita deteta, ita corrige. Ne'ebe, Senhores Deputados, só através das audiências mak ita deteta buat sira-ne'e, e ha'u agradece pormenor que Sr. Deputado Antoninho Bianco referiu liga ho receitas e despesas. Ida-ne'e claro, que ida-ne'e mak lei travão, artigo ne'e, ne'e mak trava Governo.

Agora ha'u iha proposta ba Senhores Deputados, bele mós molok ha'u iha ponto de ordem rua, maibé ha'u atu hatete de'it, Senhores Deputados, o parecer tama iha ha'u-nia gabinete no dia 14 da agosto às 9h17, ne'ebe, iha hela. Tanba, Sr. Doutor José Pinto, se calhar, por lapso, não viu isto, o erro

é meu, tanba ha'u la iha-ne'e, ne'ebe, Sr. Vice-Presidente também não é culpado, eu acarreto a responsabilidade ho razão tanba parecer iha-ne'e ita bele debruça sobre o parecer em vez de sobre o projeto de deliberação. Mas, projeto de deliberação ne'e mós fala o que fala aqui, la dook ida, ne'ebe, hakarak retira projeto deliberação, *it's fine*, ita bele opta ba relatório parecer. Ne'ebe, ha'u fó fali ba proponentes hodi haree, se há esta essência matéria ninian ka lae.

Halo favor, Sr. Deputado Patrocínio.

Sr. Patrocínio Fernandes dos Reis (CNRT): — Obrigado, Sr.^a Presidente.

Agradece ba apreciação sira hotu husi Deputado sira ba ami-nia projeto de deliberação ne'e, ha'u confirma hela daudauk ba artigo sira Ita-Boot sira cita, ami-nia projeto la sees mós husi artigo sira-ne'e.

Artigo 97.º, alínea 3) Comissão C halo hela ninia serbisu, la iha erro ida iha-ne'e, depende Mesa halo gestão oinsá.

Alínea 2) ne'e mak fó ba ami atu apresenta ami-nia projeto de deliberação ne'e tanba nu'udar bancada do Governo, atu considera ba pedido de urgência husi Governo kona-ba debate do Orçamento Retificativo ida-ne'e.

Ha'u fiar katak hotu-hotu hakarak atu kaer ba artigo 170.º, ne'ebé ko'alia kona-ba Orçamento Retificativo, ita bele adapta, maibé ami kaer mós ba ita-nia cultura debates iha Parlamento Nacional ida-ne'e, às vezes artigo sira ne'ebé loke dalan ba ita atu bele sees uitoan husi tempo sira ne'ebé ita concorda tiha hotu, dala ruma, iha Conferência dos Líderes das Bancadas, depois mai ita bele questiona filafali.

Ho sira-ne'e hotu mak ha'u sugere ba Mesa, ha'u fiar katak relatório e parecer Comissão C nian sei la halai dook husi buat ne'ebé ami hatama iha projeto de resolução. Então, documento relatório e parecer Comissão C nian kona-ba pedido de urgência bele distribui ba Deputado sira hotu-hotu atubele ajusta ho projeto de deliberação ne'ebé ami apresenta, maibé atu kaer hodi respeita ba pedido de prioridade e urgência nian husi Governo, nu'udar Bancada do Governo tanba ami hato'o tiha ona.

Ami kaer mós ba base legal sira hotu mak ami mós hato'o ami-nia projeto de deliberação, então ami sei continua atu bá votação para ita, em vez de to'o tiha ona tempo ida-ne'e para vota ona, ita filafali bá kotuk bá halo fali apreciação ba relatório ida que nia substância fila mai sei hanesan mós ho projeto de deliberação ida-ne'e. Tanba ne'e mak ami sei la retira, ami avança bá votação para bele projeto de resolução ida-ne'e reforça artigo 170.º kona-ba Orçamento Retificativo atu encurta ninia tempo iha debate ida-ne'e para bele fó biban atu líder bancada sira bele discute kona-ba guião no buat sira-ne'e hotu.

Ne'ebe, ha'u hanoin, ida-ne'e maka razão para ami apresenta kona-ba projeto de resolução. Considera sugestão sira hotu, preocupação sira hotu, ne'ebé mai husi Deputado sira, tanba ita hotu-

hotu hanoin hakarak atu hadi'a, atu lori processo ne'e la'o tuir iha-ne'ebá, maibé ami mós haree bá mai katak ami-nia projeto de resolução ne'e la sees husi nem artigo ida husi base legal sira-ne'ebé iha, tanba ne'e ami avança bá votação.

Obrigado.

Sr.^a **Presidente**: — Srs. Deputados, iha tan ponto de ordem rua.

Deputada Maria Angélica Rangel ainda quer falar? Um minuto.

Sr.^a **Maria Angélica Rangel da Cruz dos Reis (FRETILIN)**: — Muito obrigada, Sr.^a Presidente.

Ha'u hanoin, iha buat rua mak ita tem que halo. Ohin, husi início kedas, Sr.^a Presidente declara katak deliberação ne'e inútil. Agora iha rua, dalan rua mak ita atu la'o: se ida-ne'e ita la halo ona menção ba carta Primeiro-Ministro nian ne'ebé urgência, ita la'o normal de'it ona, aban ita bá audiência, e deliberação ida-ne'e Sr. Deputado proponente sira bele retira.

Rua, ita bele prepara ohin, prepara guião para aban ita debate carácter urgência ne'e, maibé, ha'u haree, aban debate carácter urgência ho parecer Comissão C ne'e já não vale a pena tanba liu tiha 24 horas ona. Mas, se nune'e, ita retira tiha deliberação, ita nafatin la'o tuir despacho ne'ebé iha, lei ne'ebé iha, tama., tanba ohin ha'u dehan, «preenche tiha ona requisitos formais, legais, constitucionais, husi nia tramitação ne'e, maibé pontual ne'e mak la iha». Agora ita la considera saida mak Primeiro-Ministro dehan urgência ne'e, mesmo que ne'e ita atu decide de'it ninia carácter, maibé ha'u dehan katak ida-ne'e *memang* urgência duni.

Agora, se Comissão ita atu halo dentro de seis dias, se ita la iha buat ida carácter urgência ne'e, ita halo iha período normal. Iha Regimento dehan katak discussão orçamento tem que iha audiência pública X dias, maibé iha debate ne'e X dias, X dias hanesan ne'e, Sr.^a Presidente...

Sr.^a **Presidente**: — Obrigada, Sr.^a Deputada.

Sr.^a **Maria Angélica Rangel da Cruz dos Reis (FRETILIN)**: — ... mas pronto, ha'u ko'alia nune'e tanba hakarak fó-hanoin de'it katak ita tem que cumpre requisito formal, legal sira-ne'e, mas como carta Primeiro-Ministro nian mai urgência be Ita-Boot sira la *hiraukan*, problema Ita-Boot sira-nian.

Muito obrigada.

Sr.^a **Presidente**: — Sr.^a Deputada, *jangan keliru*, ohin ha'u hateten ne'e deliberação ne'e la'ós inútil, pedido de urgência ne'e mak inútil, no sentido katak ita halo deliberação ne'e liga ho artigo 97.º,

n.º 4 que, baseado ho parecer da Comissão C, tem que iha deliberação. A deliberação pode ser no relatório e parecer ou uma deliberação separada como disse o proponente. Tem que halo ida-ne'e para ho razão encurta ne'e, senão, o quê é? Tem que halo duni! Ne'ebe deliberação vai à votação!

Maibé, iha ponto de ordem rua, ha'u espera katak bele colmata matéria em vez de ita foti fali assuntos foun.

Ohin Deputado ida mós dehan, ita bolu ema seluk, be Ministério Finanças mak tutela Autoridade Aduaneira ho Tributária, não é outro ministério, então? Ita la hatene sé mak tutela ba aduaneira ho tributária, ne'e mak ko'alia ba lei. Maibé, hanesan ohin Deputado Antoninho Bianco hateten, labele aumenta, nem receitas nem despesas. Ne'e mak ohin ha'u-nia pergunta liga ho 50 USD saiu 57 USD, *dari mana*, hah? Ida-ne'e mak ita confusão. Ne'e mak, ha'u hanoin, iha audiência ita bele clarifica, faz este uma correção com propostas. Ne'ebe dalan iha hela.

Iha tan Deputado Presidente Aniceto Guterres, ha'u espera katak ita bele resolve para ita ba votação, *ok?*

Obrigada.

Sr. Aniceto Longuinhos Guterres Lopes (FRETILIN): — Obrigado, Sr.^a Presidente, ba terceira vez.

Problema mak orsida iha processo discussão ka aprovação mak ita dada bá dada mai, dada tempo naruk liután karik.

Depois de iha concordância iha Conferência dos Líderes das Bancadas, claro que nia tem que consta iha guião, e ita la'o tuir guião orsida iha debate ne'e. Ne'ebe la precisa, se só de'it tanba ida-ne'e mak atu halo fali deliberação ketak ida, mais uma vez desnecessário.

Ida concordância husi Líderes Bancadas concorda tiha ona prazo ida-ne'e, consta iha guião, hakerek iha guião, e guião aprecia dala ida tan. Karik bele, di'ak liu aprova mak guião, se ita hakarak aprova, tanba la iha ona sentido. Desde início ita ignora tiha ona ida be..., começa husi lei ne'e quando tama ne'e...

Deputado hi'it projeto de deliberação hodi hatudu ba Deputado sira.

... despacho ne'e hatudu tiha ona, ita ignora tiha ona, ida be carácter urgência ne'e ignora.

Se hakarak halo apreciação ruma, orsida iha relatório e parecer ba proposta ne'e bele inclui...

Sr.^a Presidente: — Muito obrigada, Sr. Presidente.

Sr. **Aniceto Longuinhos Guterres Lopes** (FRETILIN): — ... bele inclui.

Sr.^a **Presidente**: — Muito obrigada.

Tuirmai, Sr. Deputado Gabriel Soares.

Sr. **Gabriel Soares** (CNRT): — Obrigado, Presidente.

Ha'u haree, ho projeto de deliberação ne'e ita dada tempo lubuk ida. Explicação hotu-hotu husi Presidente, ha'u haree, iha dalan, loos hotu, ita mós considera ita-nia maluk sira-nia intervenção. Maibé, Presidente, ha'u hakarak hatete ba Mesa, tuir nia procedimento normal, quando proponente declara ona dehan katak «ha'u la retira ha'u-nia proposta e avança bá votação», nia problema ne'e iha-ne'ebé tan, Presidente? Ita hakat bá votação agora!

Obrigado.

Sr.^a **Presidente**: — Muito obrigado, Sr. Deputado.

Tanba iha artigo 97.º n.º 4 ne'e tem que por deliberação, para completa ida-ne'e, ha'u sei la fó tan ponto de ordem, Srs. Deputados, a decisão proponente lakohi retira, ita ba projeto deliberação. Ne'ebe ha'u husu prepara ba votação, Srs. Deputados.

Com todo o respeito ha'u fó tempo barak tebes ba ita debate para ver se ita encontra uma solução, porque Conferência dos Líderes das Bancadas aceita tiha ona, mas, entretanto mai iha-ne'e ita mak questiona fali, ne'e mak ha'u *bingung*. Maibé *it's ok*, ita iha processo democrático ida ikusliu, temos três cartões, Srs. Deputados, ne'ebé prepara ba votação.

Srs. Deputados estão preparados, sé mak vota a favor, contra ho abstenção?

Deputado sira hala'o votação ordinária.

Tanba cor barak, ha'u husu para mantém ita-nia cartão.

Um momento, por favor, Srs. Deputados, a Deputada Olinda não tem cartão?

Deputada Olinda hatán katak nia hi'it tiha ona cartão.

Oh, Desculpa, hein uitoan tanba iha cor tolu kedas. Já está!

Muitíssimo obrigada, Srs. Deputados.

Hato'o ona ba votação, hetan aprovação ho votos a favor 42, contra 1 e abstenção 21.

Srs. Deputados, ha'u hanoin, ne'e mak ita-nia Plenária ba ohin loron. Ha'u agradece tebes ba Ita-Boot sira-nia participação, e muitíssimo obrigada, e até amanhã.

Ah, desculpa, desculpa! Ha'u kala hamlaha ona be ha'u hateten, mas ita sei, desculpa, iha eleição ida tan. Ne'ebe ha'u husu ita *sabar* uitoan.

Hodi nune'e ha'u husu ba técnico sira atu haree ba caixa, hatudu tiha lai mamuk ka lae e ita bá votação ba Conselho do Estado.

E ha'u aproveita oportunidade, Srs. Presidentes das Bancadas, ba Conselho de Segurança, halo favor ba sira ne'ebé falta *curriculum vitae* atu completa para ita bele completa tiha ita-nia votação.

E, molok bá votação, Srs. Deputados, ita iha prática ida durante ne'e ita tau a favor contra ho abstenção, mas tuir loloos votação escrutínio secreto ne'e hanesan mós ita vota nas eleições, ha'u bele vota em branco ou voto nulo, mas não está alí os quadradinhos como prática durante ne'e ita halo. Ne'ebe iha correções que ita halo é que ao longo da nossa jornada iha balu que la di'ak ita hadi'a.

Hodi nune'e ha'u fó tempo ba Sr.^a Secretária atu lê CV. CV não é necessário porque penso que está quase uma hora, ne'ebé a lista que menciona os nomes dos candidatos.

Halo favor, Sr.^a Deputada.

Sr.^a **Secretária da Mesa** (Virgínia Ana Belo): — Obrigada, Sr.^a Presidente.

«Excelentíssima Sr.^a Presidente do Parlamento Nacional,

Assunto: apresentação de candidatura do membro Concelho de Estado.

Excelência,

Haktuir assunto carta ne'e, Bancada CNRT no FRETILIN hakarak apresenta naran candidatura ba membro Conselho de Estado ba Sr.^a Presidente do Parlamento Nacional tuir lei haruka.

Naran candidatura ba membro do Conselho mak hanesan tuirmai:

1. Sr. Virgílio Smith Kranik,
2. Sr. Jacinto Viegas Vicente Roque
3. Sr. Nominando S. Martins Buras.
4. Sr. Ricardo da Costa Ribeiro.
5. Sr.^a Josefa Álvares Pereira Soares.

Mak ne'e de'it, ba atenção no colaboração di'ak la haluha hato'o obrigado wa'in.

Díli, 4 de agosto de 2023

Aniceto Longuinhos Guterres Lopes, Presidente da Bancada da FRETILIN

Lúcia Taeki, Vice-Presidente da Bancada do CNRT».

Obrigada, Sr.^a Presidente.

Sr.^a **Presidente**: — Muitíssimo obrigada, Sr.^a Secretária.

Dala ida tan, ita-nia votação, se lakohi vota, lalika hamriik mós la iha buat ida, ya!

Lian husi Deputado ida: — Vota!

Sr.^a **Presidente**: — Vamos à votação.

Ida-ne'e a favor mak tau iha-ne'e, contra, abstenção, dobra tau de'it mós la iha buat ida.

Muitíssimo obrigada.

Sr.^a **Secretária da Mesa** (Virgínia Ana Belo): — *Deputada Maria Fernanda Lay (CNRT), Deputada Maria Terezinha da Silva Viegas (CNRT), Deputado Alexandrino Afonso Nunes (CNRT), Deputada Virgínia Ana Belo (CNRT), Deputada Maria Teresa da Silva Gusmão (CNRT), Deputada Bendita Moniz Magno (CNRT), Deputado Domingos Augusto «Deker» (CNRT), Deputada Lúcia Taeki (CNRT), Deputado Duarte Nunes (CNRT), Deputado Marcos Soares Martins (CNRT), Deputado José Virgílio Rodrigues Ferreira (CNRT), Deputado Luís Ximenes Caldeira (CNRT), Deputada Maria Rosa da Câmara «Bisoi» (CNRT), Deputado Leandro Lobato (CNRT), Deputado Marcos Xavier (CNRT), Deputado Óscar de Araújo (CNRT), Deputado Firmínio Taequi (CNRT), Deputada Veneranda E. M. Lemos Martins (CNRT), Deputado Natalino dos Santos Nascimento (CNRT), Deputado Romeo Moisés (CNRT), Deputado Gabriel Soares (CNRT), Deputado Saul Salvador H, J Amaral (CNRT), Deputada Maria Gorumali Barreto (CNRT), Deputado Patrocínio Fernandes dos Reis (CNRT), Deputado Virgílio Pereira (CNRT), Deputada Cedelízia Faria dos Santos (CNRT), Deputado Francisco da Costa «Ikulay» (CNRT), Deputado Albino da Silva (CNRT), Deputada Carminda Carlota (CNRT), Deputado Ricardo Batista (CNRT), Deputado Anacleto Freitas (CNRT), Deputada Aliança da Conceição Araújo (CNRT), Deputado Mateus da Cruz de Carvalho (CNRT), Deputado Armando dos Santos Lopes (PD), Deputada Rosena Fátima de Oliveira Martins (PD), Deputado Manuel Henrique Noronha (PD), Deputada Sancha Margarida Tilman (PD), Deputado Antoninho Doutel Sarmento (FRETILIN), Deputada Sância Florência Paixão Bano (FRETILIN), Deputada Maria Angélica Rangel dos Reis (FRETILIN), Deputado Dário Madeira (FRETILIN), Deputado Aniceto Longuinhas Guterres Lopes (FRETILIN), Deputada Lídia Norberta dos Santos Martins (FRETILIN), Deputado Antoninho Bianco (FRETILIN), Deputado David Dias Ximenes «Mandati» (FRETILIN), Deputada Helena Martins Belo (FRETILIN), Deputado Joaquim dos Santos «Boraluli» (FRETILIN), Deputado António Moniz Calau (FRETILIN), Deputada Maria Anabela Sávio (FRETILIN), Deputada Verónica Fernandes (FRETILIN), Deputado José da Cruz (FRETILIN), Deputada Cristina Yuri Rebelo dos S. Costa (FRETILIN), Deputado Abílio Quintão Pinto (FRETILIN), Deputado Florentino Ximenes da Costa «Sinarai» (FRETILIN), Deputada*

Mariquita Soares (FRETILIN), Deputado Óscar Lima (FRETILIN), Deputada Irene Gonzaga Sarmiento (KHUNTO), Deputado António Verdial de Sousa Gama (KHUNTO), Deputado António Verdial da S. Ferreira (KHUNTO), Deputada Olinda Guterres (KHUNTO), Deputado Luís Roberto da Silva (KHUNTO), Deputado Abel dos Santos (PLP), Deputado Helder Freitas «Kamarudin» (PLP), Deputada Maria Angelina Lopes Sarmiento (PLP), Deputado Adolfo Martins (PLP).

Sr.^a **Presidente:** — Muitíssimo obrigada, Srs. Deputados.

Ha'u husu ba Sr. Deputado na'in-rua bele sai testemunha ba contagem dos votos.

Sr. Quintiliano bele hakbesik ba Sr. Deputado na'in-rua tuur iha oin, bele? Halo favor. Bele tuur, la iha buat ida, haree de'it. A Sr.^a Sância quer ser, em vez de ser dois do PD, pode ser? Mas imi loke, hatudu! Está bem? Ou não Deputada Rosena ho Deputada Sância, pode ser? Aproximem-se da mesa!

Muitíssimo obrigada.

Tuur de'it mós di'ak hela. Sira conta ba, loke, hatudu.

Halo favor!

Técnico husi Divisão de Apoio ao Plenário, Quintiliano Ase no João Guterres, halo contagem ba boletim voto.

Srs. Deputados, resultado de votação: a favor 60, votos em branco.

E ita-nia quórum 64 Deputados.

Hodi nune'e lista ne'ebé ita vota ne'e passa ho maioria absoluta.

Muitíssimo obrigada, bom almoço, e até amanhã.

Horas hatudu tuku 13 loloos.